





Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.149





Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.149



Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.149



2.6.149

2 G. 6

XXX  
PLASCH







JO. LUD. PRASCHII  
DE  
**CARITATE**  
**PATRIÆ**  
LIBER,

AD  
*SEREN. ELECTORIS SAXONICI,*  
*ET PRINCIPIS ALTENBURGICI*

**LEGATOS,**  
*RATISBONÆ HOC TEMPORE*  
AGENTES.



NORIBERGÆ



---

LITERIS ET SUMTIBUS MICHAELIS ENDTERI,  
A. S. cb. bc. LXII.



STATUTUM

LIBER

LIBER

LIBER

SERENISSIMI ELECTORIS SAXONICI,  
JOANNIS GEORGII II.

AD PRÆSENTEM DEPUTATORVM  
CONVENTUM

LEGATO SPLENDIDISSIMO,

DN. AUGUSTINO  
STRAUCHIO,

JC. COM. PAL. CÆS. A CONSILIIS  
SECRET. ET APPELLAT. ET FACULTA-  
TIS JURID. WITTEB. ORDINARIO SPE-  
CTATISSIMO;

ET

SERENISSIMI PRINCIPIS SAXONIÆ.

FRIDERICI WILHELMI

LEGATO ITIDEM SPLENDIDISSIMO,

DN. JOANNI THOMÆ,

JC. CONSILIARIO AULICO, ET  
PRÆSIDI CONSISTORII ALTEN-  
BURGICI:

VIRIS MAGNIFICIS, NOBILISSI-

MIS, ET CONSULTISSIMIS,

DOMINIS ET PATRONIS, SUMMISSE  
COLENDIS,

JO. EUDOVICUS PRASCHIUS.

E Sse meum scbar, quem feci, jure libellum:

Docta sed indocto, dicere visa Themis:

Fallit te ratio: pretiosæ cedere debet


Materiæ nulla nobilis arte labor.

STRAUCHIUS ergo ferat, ferat ista volumina THOMAS:

Illorum est patriæ cura perenne bonum.





*Ad elegantem eruditissimi huius libelli*  
AUCTOREM  
JO. JAC. KERSCHERI  
SILVA.



Uis civem neget esse bonum, cui dulcior una  
Materia est, leges sacri quæ pandat Amoris  
In Patriam, & studium natalis fuscitet urbis?  
Hinc cœpisse juvat, hinc exordia laudi,  
Deque secuturis primum petiisse triumphis.  
En pietas, nostri rarissima moribus ævi,  
Exemplumq; ingens, meritum virtutis honorem  
Cui rapuisse nefas! *carpent tua poma nepotes*  
*Daphni*, atq; inferior deinceps his frugibus ætas  
Gaudebit pepulisse famem. Vah! quanta per Orbem  
Te mox fama vehet! quo non celebraberis ore,  
dilectum nimium Musis caput! I mea, specta,  
Patria, tam pulcras curas, ac plena laboris  
Otia: quum reliquæ noster se denegat urbi,  
Tunc totus vacat ille tibi; tunc unicus illi  
Ardor es, insomnisq; tuos meditatur honores.  
Quæ quibus anteferam? Quod consuetudine sola  
Non tam dulce tuum quicquam, quam legibus esse  
Naturæ debere probat, quod jure revinxit  
Hos stimulos, nobis quos omnibus admovet ejus  
Nuda soli facies, cujus primo aëra parvi  
Haufimus, & tremulis libavimus æquora plantis:  
An, quod ad obsequium cives invitat amicum,  
Et clypeis populi dextras, non ensibus, armans.  
Vult pacem didicisse pari, votisq; benignos  
Exoptare duces, & qualescunq; vereri.  
Mutua quod rursum, ut patriæ tractura ruinam,  
Incusare odia, ac animis tam dulce videmus,  
Foederis admonitu socialis, pellere virus,  
Quantum laudis habet, quantum, cervicibus almæ  
Libertatis eos, rerum quæis cura potiri,  
Submovisse gravi perstrictos fulmine juris,  
Quod patria plus posse vetat! Succumbo, fatebor,  
Narrandis, quæ plura refert pretiosa legenti  
Pagina, nec nostrum est humili sublimibus orsis  
Respondere lyra. Nunc hoc modo dicere fas sit:  
Quisquis ad has epulas accesserit, inde recedet  
Nec satius, atq; frequens illo conviva redibit.

SÆpis.





Æpissime legitur in eruditorum voluminibus caritas patriæ: neq; est fere quicquam officii, quod non uberrimo isto nomine concludere videantur. Idem in rep. dominantes, eorumq; administri, quibuscunq; negotiis, quasi pompæ ferculum, præferunt: idem in scholis declamationes puerorum, in foro aniculæ olera vendentes cerdonesq; crepant. Sed vereor tamen, ut omnes, etiam inter litteratos, satis intelligant, quid sit, quod sermonibus ferunt. Quapropter videant, quibus hæc trita & liquida forte existimabuntur, quod cavere sedulo monet Cic. in de Offic. I. *ne incognita pro cognitis habeant, hisq; temere assentiant.* Id nunc opere magis, quam verbis ostensuri, investigabimus, quid sit ergo caritas illa patriæ; atq; ita, ut vocabula primum, ex in rem ipsam tenebris suis evolvamus. De laboris utilitate integri animi judicent: quos exoramus, ut si qua intervenerint frivola & manca aut inopinabilia, mediocritati ingenii veritatisq; studio condonent.

Principio igitur, quid sit patria, curiosius expendamus: quod vel in foro plurimum refert nosse. Et quando cujuslibet vocis potestas duabus pendet ex rebus, ori-



gine & usu; de illa statim exponamus, & patriæ velut natales inquiramus. Inquiramus vero? tanquam hoc sit obscurum, quod vox patriæ habeat patrem, ut ita dixerim, nomen ipsum *patris*. Ergo *patria* nomen *natura adjectivum*, cum quo subauditur terra; sed usu *substantivum*: ut *Livius*, *Neapolis* mihi *materna patria* est: quod recte animadvertit *Mariang. à Fano Bened. ad Gramm. Philos. pag. XXXIV. Patria autem vocata, quod communis sit omnium, qui in ea nati sunt, parens*. Est hæc ratio *Isidori*, *Orig. XIV, V.* cui favet quodammodo *Cretensium matris*. Sed mihi credibilius, patriam ex eo nominari, quod plerumq; ubi in lucem hanc edimur, ibi est patris civitas. Qua cum appellatione lingua vernacula mirifice conspirat: vulgares enim illam, ex qua natæ sunt, sequuntur. Liccat idem dicere de *Græciensium* voce, *πατρίς*: quæ cum terræ sit nota, muliebri genere merito enuntiatur. Ingeniosior enim, quam verior, commentatio *Hieroclis* apud *Stobæ. Serm. CLVII. Est enim patria, per Jovem, inquit, velut alter quidam deus, & primus maximusq; parens. Quocirca qui nomen posuit rei, non in scitum posuit, flectens à patre quidem, sed terminatione feminina: quo mixtum esset tam ex patre, quam ex matre*. Sed ut *patria* nomen est aliunde natum, ita ex ejus fecunditate Romanis nata sunt alia; veluti *patrius*. Nam hoc idem vocabulum & originem dedit patriæ, & ab ea cepit; adeo ut in duplicem pateat intellectum. In-  
de



de patrii dii, patrii mores, & apud litteratores patrium no-  
men. Etiam patritus, ac eodem sensu, legitur: sic enim  
ex Varrone Non. Marcellus, cap. I. *secundum leges habi-  
tasset patritas*. Sed *patriota*, vocabulum auribus sæculi  
non ignotum (à quo *patrioticae possessiones* duxit Cassio-  
dorus) barbarum est, Græcis quoq; si valet *πολίτην*; ut  
ex Pollucis Onomastico didicimus. Nobis enim civis  
indigitatur, aut popularis: quod quidem & aliam vim  
significandi sustinet. Deridiculum igitur faciunt, qui  
apud Ulpian. l. i. §. XII. de offic. præf. urb. *populares* ex-  
plicant de civibus. Fuerunt enim, ut bene vidit perspi-  
cacia Gothofredi, quatuor factiones agitatorum in Cir-  
censibus Romæ; Veneta, prasina, albula, rufata: ad  
quas auratum purpureumq; pannum addidit Domitia-  
nus. Græci *δημῶς* appellant: de quibus vetus & pro-  
lixum cernere est monumentum Romæ, in ædibus Cec-  
chinorum.

Jam si, relicta originatione, loquendi consulamus  
usum, multa equidem sub inscriptione patriæ venditan-  
tur: quæ judicio secrevisse paris circumspeditionis est &  
artis. Taceo, quod hoc nomen alias proprium est regi-  
onis, alias appellativum. Forum enim Julii Italici *Patria  
di Friuli*, & simpliciter, *la Patria*; ex barbari scil. sæculi  
usu, quo *patria* vocabulum usurpabant pro terra sive regi-  
one. Ita Cluver. Ital. antiqu. I, XX. Eodem nomine Li-  
ternum villam aliquando notatam putes. Specula certe,  
quæ



quæ manet, nuncupatur *la Torre di Patria*, teste iterum Cluver. IV, 11. & alijs; idq; ob ea, quæ consignavit Andr. Scorus, Itin. Ital. parte III. pag. LVII. Sed tunc promptius aliquanto in errorem induit, cum appellativum est, patria: interdum enim in figuram abit, interim nativum sensum retinet. Ex figura dicitur, cum transfertur ad res commodas & caras; eo quod nomen patriæ, nomen est amoris. Freinshemius, Indice in Flor. voce, *patria: Patria altera, urbs caritate proxima post veram patriam*. Exemplum idem subjungit: in quibus hoc Trojani ducis, *Æneid. XI. quæ sanguine nobis Hanc patriam peperere suo*. Id novedici, quidam addunt. Geminum est ejusdem illud, *Æn. I. Italiam quero patriam*. Significaverit igitur Æneas locum vehementer optatum; ut vel *querendi* verbum admonet. Quo trahimus illud *ἐργαστήριον*, *Æn. VI. Hic amor, hæc patria est*. Nisi locum præferas intelligere, *sedes ubi fata quietas Ostendunt*. Cui affinia rursus illa, *Æn. VII. Hic domus, hæc patria est*. Ea mente Phocylides *οἶκον* (uti nos cælum, in quo & *πολίτευμα* nostrum dicitur esse) nominat patriam nostram, quem alii *communem locum*. Dissidet tamen explicatio Servii, qui patriam Æneæ dici contendit, propter *Corythum, Tusciæ civitatem, unde Dardanius* (meminit vates ipse, *Æn. III.*) *fuit*. Verum hæc ratio longius arcessita cavæ plausum vix meretur. Illud extra controversiam hujus est loci, quod post Teucrum

sophi



sophi passim disputant; ubicunq; benè est, ibi patriam inveniri: color inprimis ad eos consolandos aptus, quos injusto exsilio sua sors damnavit. Maximè autem benè debet esse in cælo, in ecclesia, in loco nutrimentorum, educationis, domicilii: quare videas hæc omnia, atq; adeo terrarum orbem universum, in patriæ nomen cooptari. Nam ut unus tandem aut alter locus sit infestus, *desse nobis terra, in qua vivamus, in qua moriamur, non potest.* Atq; haud scio, an sub hoc ipso schemate altior lateat sapientia, quatenus hominum communitatem nos amare totam & colere monet. Imp. Antoninus, de vita sua lib. VI. ad rem alludit hac distinctionis argutiola: Πόλις καὶ πατρίς, ὥς μὲν Ἀθηναίων, μοι ἡ Ρώμη· ὥς δὲ ἀνθρώπων, κοίτη.

Frequentissime vero locum civitatis, in quam recipimur nativitate, immo etiam allectione, quæ naturam in effectis imitatur (unde Gallorum *naturaliser*, & *lettres de naturalité*, de quibus agunt sub tit. *du droit d'Aubaine*) patriæ vox invadit. De priori Cic. de harusp. resp. *Parentibus, & diis immortalibus, & patriæ nos primum natura conciliat. Eodem enim tempore & suscipimur in lucem, & hoc cœlesti spiritu augemur, & certam in sedem civitatis ac libertatis adscribimur.* Civitati, cum de sua maxime differat, jungit libertatem: sicut Isocr. in laud. Helenæ, κοινὴν πατρίδα vocitat remp. popularem; in qua omnia esse, Otanes apud Herodot. l. III. affirmat.

B

Inde



Inde explico Maronem, qui de apibus, Ge. IV. *magnis agitant sub legibus avum, Et patriam* (i. e. civitatem) *solae, Et certos novere penates*. Imaginem enim βίς πολι-  
τικῆ καὶ οἰκονομικῆ apibus, puto, attribuit. Quamobrem  
supervacua forsan affert scholiastes, qui *novere*, ait esse,  
*carissimos habent*; ut, *hic inter flumina nota*, i. e. *cara*.  
Etiam *magnas leges* non de *immutabilibus*, sed magno  
imperio dignis, aut res magnas complexis intelligo.

Dixeris autem hanc, verbo Tulliano, *patriam juris*,  
sive *civitatis*: quæ manet patria, si maxime natus in ea  
non sis. Neq; enim tam restringitur ad generatum, quam  
ad generantem; ut patria filii intelligatur, civitas parentis,  
& quidem ejus temporis, quo suscipit filium: de quo  
uberius Arnisæ, relect. pol. l. I. c. V. §. X, n. IV. & V, ubi  
celebrem attingit controversiam, Carolum V. Gandavi  
natum. Jo. Vilani & Mariæ Mabilæ causa hereditaria ex  
J. C. Gallicanis nota est. Sed in eo discordant gentium  
instituta, an pater, an mater, aut uterq; , vel etiam ma-  
jorum sint alii spectandi? Ipsi quidem Romanis ambo  
primum, lege Mensia, dein potior parentum videtur  
placuisse. Quæ omnia extendit disputatio Arnisæi,  
num. VI. & seq. Non minus verò urbs, quæ velut epi-  
tome civitatis ac fons est imperii, patriæ nomen induit.  
De urbe urbium post Cic. Modestinus, l. XXXIII. ad  
munic. *Roma communis nostra patria est*. In qua senten-  
tia vocem *nostra* luculentè explicat Gothofr. Hæc nimi-  
rum



rum *regia urbs*, sive, unde in omnia regimen: quam ob causam certa meruisse privilegia, documento est lex VI, §. XI. & XII. Dig. de excusat.

Sicut ergo Romam (cujus signum vel ex nummis notum) ita patriam notavimus à Romanis describi ad effigiem divæ. Nam Ovidius *numen* ei circumdat, de Pont. II, VII. *vultum* addit, Trist. V, X. alii *vocem*, *gemitus*, *viscera*, & his consimilia. Lucanus, l. I. *Ingens visa duci patriæ trepidantis imago, Clara per obscuram vultu mœstissima noctem, Turrigero canos effundens vertice crines, Casarie lacera nudisq; adstare lacertis, Et gemitu permista loqui.* Ceterum titulus iste, ut arbitror, cum regni sede in urbem Constantini postmodo cessit.

Post regnatricem urbem patria est suum cuiq; municipium. Ideo Nonius, si benè memini, finit: *Patria est urbs vel civitas parentum.* Dicit, *urbs vel civitas*: quo sunt eadem hoc loco. Neq; enim, ut doctrina rerum-publicarum, utq; nos modo, de integro civitatis corpore, quod habeat in se τὸ κύριον; sed populariter loquitur, atq; ut solent I. C. priscorumq; alii: quibus ἐκ παλαιῆς ponitur, *suum oppidum*, *sua civitas*, *suum municipium*. Exaudire verò, non civitatem domicilii, sed originis, Jus Rom. jubet, l. VI. §. I. & l. XVII. §. XI. Dig. ad municip. id est, secundum gloss. *originem eam, quam pater habuit ex se, non ex origine sui patris.* Quod si verum, in hac legali patria latitabit etiam naturalis.

B 2

Addit



Addit glossa, quod & sine scelere potuisset omitti: *alioquin oporteret nos querere, ubi natus fuit Adam, scil. agrum Damascenum.* Civitatis autem appellatione suburbia comprehendit lex XLI. §. VI.  $\pi$ . de leg. III. atq; adeo vicum, l. XXX. ad munic. Tholos. de Benef. Eccles. c. XXXVI. th. XXI. & Syntag. Jur. XVIII, XII, XV. & villam, Nov. LXXXIX. c. II. §. II. fines deniq; ut dictæ legis XLI. de leg. III. versus VII. arguit. *Parentum* voce accipiunt jura patrem, l. I. §. II. ad mun. nec non avum, ceu colligitur ex l. XVII. §. IX.

Seclusæ itaq; matres, l. III. cod. de municip. excepta quidem necessitate, ut si liberi vulgo aut ex illegitimo matrimonio sint quæsit, l. I. §. II. acl. IX. Dig. d. t. quod *ἀνύγνωστος* *lex natura* dicitur, l. XXIV. Dig. de statu hom. Et privilegio: id vel commune, quale Iliensium, Delphorum, Ponticorum (i. e. Bithynorum, auctore Plinio, Epist. X, CXV. nam Bithyniam quoq; Pontum dictam lego) Ead. l. I. §. II. adde Gothofr. quæ manifestum faciunt lapsum Cl. Buchneri, ad laudatum Plinii locum. Vel est singulare, quale in l. LXII. Cod. de decur. Plura dabit Tholos. Synt. Jur. XVIII, XIII, XIV.

Seclusi etiam majores ulteriorum graduum. Ex quo facile æstimaveris, quid sentiendum de prodigio isto (si prodigium est, quod nititur vanissima Etruscorum disciplina) fulminis, ut vocant, regalis, quod enar-  
rat



rat Sueton. lib. II. cap. XCIV. conferendo cum ejusd. lib. cap. II. Quæ de naturalibus dixi, producuntur ad avos & parentes adoptivos l. XVII. §. IX. & l. I. Dig. d. t. immo amplius ad patronos, l. VI. §. ult. & leg. seq. item XXII. XXIII. XXVII. Duplex itaq; fuerit hæc patria, vera & ficta: hæc vel parentum adoptantium urbs, vel patronorum. Quæ, ut multa alia, possis adjungere fictionibus juris Hotomanni, Quæst. illust. XXXVIII. & quidem his, quæ locum spectant. Non autem alienum sit annotare, quod finitur ibi fictio, *juris civ. commentum, ad usum vitæ communis contra naturam rerum, contraq; veritatem accommodatum*. Sequitur Besold. de arcan. rerump. c. I. &, ut assolet, alii. Rogo, non hoc est rem involvere magis & excæcare, quam illustrare? cujus tu indolem rectius forsan quæras in effectu, quem rei dubiæ eundem cum indubia leges tribuunt, similitudinis ergo. In quo cum legislator ipse servat, tum nos servare docet, quod præscribitur l. XII. Dig. de LL.

Sciendum autem, quod cum hac patria quarantur certa privilegia; veluti quod grammatici, rhetores, medici, doctoresq; alii, qui in patria has artes exercent, à tutela & cura vacationem habent, §. XV. Inst. & l. VI. §. IX. Dig. de excus. tut. vel cur. quod ab ædilibus cæsi, decurionatum vel aliquem honorem petere possunt, l. XII. Dig. de decur. quod Syndici filius non est civium oneribus subiectus, juxta Besold. Thesaur. pract. lit. V.



Instar privilegii nomen est, quod à patria sumimus, arg.  
l. I. § I. ad munic. utiq; si sit incluta: quanquam & hu-  
milis laudi sæpe datur, ut vel rhetorum scholæ mon-  
strant. Arrian. in Epicteto, I, IX. *Quæ causa porro est*  
(ita vertit Schegg. malumus enim Græca, si sint longi-  
ora, Latino habitu exhibere) *quod te Atheniensem pradi-  
cas esse, ac non potius in angulo ortum illo, in quo primum  
nascens corpusculum tuum sit projectum? an fortasse id caus-  
sa subest, quod nimirum à nobiliore loco, & continente non  
modo angulum istum, sed universam quoq; domum ac totam  
stirpem majorum, qua es procreatus, patria appellationem  
arripis? Inde nimirum Corinthium te, aut Atheniensem  
nominas.* Nec vero solis commodis, sed insuper oneri-  
bus patriam metiuntur leges: quæ contraxit Wesenb.  
parat. ad Dig. lib. L. tit. I. num. VI, & glos. in l. VI.  
§. I. d. t.

Sed quo pacto excidinius patria? potest enim hæc  
mutari patria, quatenus lex civilis, aut naturalis (veluti  
de non dando damno) haud obsistit. De crimine igi-  
tur constat, vel ex Marant. prax. aur. part. III. num.  
XLII. Quid de errore ac mendacio? abnuat Ulp. l. VI.  
& Papin. l. XVII. §. X. adde l. ult. §. V. Dig. ad muni. l.  
IV. Cod. de municip. Num ergo deponitur adopti-  
one? ne hac quidem, l. VII. Cod. de adopt. Discrimen  
interim lex, quæ sequitur, commendat, inter civitatem  
adoptione partam, & nativitate, Senatores tamen (*ma-  
jores*



iores scil. qui sunt in urbe Roma, aut Imperiali Consistorio,) (Coll. Jur. Arg. ad Dig. lib. L, tit. I.) eorumq; liberi nepotesq; origine eximuntur, retenta municipali dignitate, per l. XXII. §. V, exempti non restituantur: nisi hoc specialiter impetrauerint, ead. l. §. IV. Et hæc pleraq; sunt, vel potiora, quæ per leges sparsa de hac patria reperi. Quanquam hodiè, admodum mutata rep. veteri, istæ per omnia non habent utilitatem, ut jam monuit Hahn, Obs. ad Wes. lib. L, t. I. n. IV, quem iuvat evoluisse. Incidit verò sæpe, ut civitas aut municipium cum vera patria concurrat: sed quoniam & possunt esse, & frequenter sunt divisæ locis, atq; adeo effectis; doctrina itidem sejungendæ erant: quo cujusq; natura melius cognosceretur. Illud adhuc monebo, ut singulis, ita societatibus integris patrias esse; velut coloniis. Nam matrices harum *majoris patriæ* titulo noscuntur; non solum, si illarum civitatum pars sint coloniæ, sed etiam, si αὐτόνομοι. Stant enim aliquatenus caritatis causæ; cum pars ipsarum olim fuerint, ex eisq; tanquam filiæ sint propagata. Inde nomen μητροπόλεως, & γέγε illa, quæ docto studio persequitur Henr. Vales. ad excerpta Peires. p. VI, & VII. Olim quippe civitates matres comiter observabantur: quæ nos jura hodiè, itidem ut tesseram hospitem, & alia multa præclara, ignoramus: sicut origines ipsæ, Martis aut scriptorum culpa, ferè ignorantur. Sed de tropica patria satis,

De



De *germana* (ut appellare voluit Cic. qui & *patriam loci*, & *natura* vocat) nescio, an ad rem pertineat, si dixerō, patriam non hominibus tantum atq; brutis, sed rebus corpore aut anima defectis assignari: quemadmodum Athenæ breviatori Trogi sunt *patria eloquentia*, V. IX pro quo Cic. in Bruto: *In ea urbe & nata, & alta est eloquentia*. Virg. Ge. II. dixit: *Divisa arboribus patriæ*. Sed nos videl. de hominum patria expectationem fecimus: quæ est nativitatis locus. Petr. Gregor. de Benef. Eccl. c. XXXVI. th. XXI. *Patria proprie locus vel civitas, ubi quis natus est*. Inde cognominatur solum *natale*, locus *incunabulorum*, & *μελωνυμικῶς*, *incunabula*, *origo*, *terra parens*; à Marino Neapolitano, philosopho & rhetore, in vita Procli, etiam *γενέσεως αἰτία*. Sed hic locus modo angustioribus circumscribitur finibus, modo productioribus, pro loci, cum quo confertur, ratione.

Itaq; patriam dicta invenies, *pagum*, *villam*, *agrum*, *insulam*, *castra*, *urbem*, *coloniam*, *civitatem*, *regionem*: modo in his nati sumus. Accepi, Herculem, sciscitante quodam, Argivus an Thebanus esset? subjecisse: *ἅπασ μοι πύργος ἑλλήνων πατρίς*. Plut. de Exsil. Neuter mendose, nec qui urbem, nec qui regionem patriam putavit: sed responsio ad quæstionem non quadrabat; quod respectu habito ad Thebas, Græcia perdebat nomen patriæ.



erit. Nos ita Germaniam salutamus : quod dum imi-  
 rantur Augusti nostri in pragmaticis sanctionibus, quid  
 aliud, quam obtrogant illi memorato, & l. VI. §. XI.  
 Dig. de excusat. iterato, *Roma & habetur & est commu-  
 nis patria?* Denegat tamen provinciæ nomen hoc gram-  
 maticus, ad Virg. *Æn.* i. *Italiam quero patriam.* En lo-  
 quentem ipsum : *Hoc loco distinguendum est : nam si jun-  
 xeris patriam, non procedit. Patria enim, i. e. civitas, in  
 provincia esse potest, non tamen, ut ipsa provincia patria sit :  
 licet in Sallustio lectum sit, Hispaniam sibi antiquam patri-  
 am esse. Sed illic ad laudem pertinet, non ad veritatem.*  
 Numquid vides, ambiguitate verbi deceptum Hono-  
 ratum, vel qui lacinias suas huic purpuræ attexuit? Ut  
 mittam, quod aliis poëtæ locis, ipsisq; L. L. arguuntur  
 canoræ infelices nugæ. Dicitur autem hic locus origi-  
 nis esse nobis velut orbis medius : *cum ab eo loco, ubi quisq;  
 lucem auspicatus est, & terrarum situm, & mundi spatia  
 metiri incipiat, & quoquo versum iter arripuerit, patriam  
 semper quasi centrum statuatur.* Verba sunt Pier. Valer. Hi-  
 eroglyph. l. XXXIV. Inde Onirocritæ umbilicum,  
 patriam interpretantur; ut idem auctor prodit. Ergo,  
 patria quid sit, ex his fere liquet.

Tempus nunc est, ut de caritate quoq; sed brevi-  
 ter, audiamus : quæ videtur certe amor in superiores, à  
 ratione imperatus. Notissimum porro est, amorem,

C

quo-



quotiens generis vicem obit, finire, inclinationem voluntatis in bonum: id cum patiter circa res vertatur, ac personas, quarum alia inferiores aut æquales, digniores alia; animi in has conversionem, caritatem appello. Inest enim caritati, si quid video, honos, ac proinde inæqualitas. Videntur hoc clamare Partitiones Ciceronis, in quibus ita scriptum legimus: *Nam aut caritate moventur homines, ut deorum, ut patriæ, ut parentum; aut amore, ut fratrum, ut conjugum, ut liberorum, ut familiarium.* Eandem subtilitatem nonnullis interpositis repetit. Quo proxime accedit Aristotelis *Φιλία καὶ ὑπεροχή.* Sed cum bonum, quod propositum est amori, vel sit verum, vel adulterinum, quorum prius ex ratione recta proficiscitur; idcirco & hanc vocamus ad caritatem. Ipsa enim est, quæ efficit ac finitoris instar terminat hunc affectum, & bonum & utilem reddit. Quintil. Inst. Or. VI, II. discriminat hunc in modum: *Amor πάθος, caritatis ἡθός.* Repugnat igitur composito huic amori, cujus arcem velut in corde ponimus, cæcus ille, quem in jecinore quærunt: qui non in id, quod oportet, fertur, aut non eo, quo oportet, modo.

Novissimè teneatur, quod à ratione nec suaderi, nec permitti caritas, sed dicta est imperari. Etenim tria cum sint boni genera, quæ sequitur amor, ut philosopho placet, Nicomachior. II X, II. *ἀγαθόν, ἡδὺ, καὶ*  
*χρή-*



χρησιμον, ex quibus primum vel debitum simul ac decorum, vel decorum, at non debitum, vel nec debitum, nec decorum, licitum tamen; caritas quidem priori generi maxime inhæret: ita ut non tantum à lege naturali (quæ est imperium rectæ rationis, & ipsius dei) ortum trahat, sed ejusdem summa sit; quemadmodum dicit Paulus ad Rom. cap. XIII. comm. X. ex Matth. cap. XXII. com. XXXVII. & seq. πλήρωμα ἐν νόμῳ ἡ ἀγάπη. Quibus intelligitur, huic vocabulo ex more τῶν ἀκριβοῦς λόγων hæc potissimum includi, reverentiam, rationis moderamen, juris vinculum.

Exploratis itaq; singularum vocum viribus, nunc in unum eas compellamus, & an vera cum patria consistere possit vera caritas, paullo altius meditemur. Equidem patriam esse φιλητόν ἔστι, clarissimis ex signis lucet. Quid est enim, quod absentes *immemores non sinit esse sui*? quo argumento mutationem urbis dissuadet apud Liv. M. Furius, V, LIV. quod totiens optatur, tam enixe petitur? quod asperrimam Ithacam Ulysses splendido matrimonio, quod Calypso, δία θεάων, & Circe, Solis filia, offerebant, potiolem ducit? apud poetarum patrem, Odys. IX, quem locum valde amavit Cicero, amantissimus homo patriæ; ut observat etiam in scholiis Homericis Giphanius. Quid porrò est, quod captivitatis, quod exilii relegationisq; malum, vel Ovidio



teste, tam acerbum reddit? quod ultimis expiandis celeribus hoc supplicium invenerunt leges? quod Ostracismus à nonnullis gravissime increpatur? licet non publicarentur eo, ut exilio, bona damnatorum, si credimus Aristophanis scholiasti, ad Vespas. Quid, quod Abrahamus, qui divino monitu exsilium sibi indixit, tam cumulate laudatur Ambrosio, Offic. I, XXIV? In his omnibus quis non affectus, & quidem vehementis, impressas velut orbitas videt? Inde adeo est, quod salutabant patriam reduces: quod docebit te Brissou. formul. sollemn. lib. I. inde, quod per patriam supplicat Naso, Tr. II. civili sane schemate, tanquam nihil Augusto foret antiquius. Ex hoc fonte manavit sanctissimi gemitus poëtae, Ecl. IX. *Mantua va misera nimium vicina Cremona.* Ex hoc consilium Vespasiani, qui princeps quoque locum incunabulorum assidue frequentavit; manente villa, quales fuerat olim, ne quid scil. oculorum gratia deperiret. Suet. Fl. II.

Eadem religione, sed contrario modo, Romulus propagavit famam patriæ, excitanda ibi urbe: de quo Florus, I, I. Quod perfecerunt alii, urbibus patriæ nomine constituendis, ut Helenus, ut Agamemnon: de quorum altero Virgilius, Æn. III. de altero Paterculus, I, I. Tetigit hujus amoris sensus efferum quoque Caji pectus: qui Antium, natale (ut Tranquillus hariolatur, Cal.



Cal. VIII.) solum, omnibus semper locis atq; secessibus prælatum dilexit: traditurq; etiam sedem ac domicilium imperii tadio urbis transferre eo destinaſſe. Idem amor & commendat indigenarum, & suspicione infamat exterorum ministeria. Expertus Alcibiades: de quo Nepos Cornelius, VII, V. Neq; vero his rebus tam amici Alcibiadi sunt facti, quam timore ab eo alienati. Nam cum acerrimi viri præstantem prudentiam in omnibus rebus cognoscerent, pertimuerunt, ne caritate patriæ ductus aliquando ab ipsis descisceret, & cum suis in gratiam rediret. Idem amor controversiam peperit, si eadem iudici & adversario patriæ, an suspectum illum reddat? apud Tholos. Synt. Jur. XLIX, III, XI. Ob eamq; causam præcipiunt sapientes, ne milites contra patriam ducantur. Et quoniam patriæ recordatio, magisq; conspectus, vires animumque pugnantibus subministrat; duces verbis & factis eam sæpe militi repræsentant. Inter arcana quoq; habent, quod est apud Florum, II, VII. ſerviando in urbes, gentes contumaces vilesq; morti saltem desiderio patrii soli domare.

Postremo in patria mori & tumulari cupimus. Quare inter physica signa morientium etiam hoc legitur, patriæ aspectum desiderare perituros, inquit Serv. ad verba Æn. X. dulces moriens reminiscitur Argos. Corn. Galli votum est, Eleg. I. Redde, precor, patrio mortua membra solo. Ea



re quondam militiæ peregre; mortuorum ossa legeban-  
 tur, & in patriam perferebantur: eodemq; animæ citatæ  
 per ψυχαγωγίαν. Reperies utrumq; in Kirchman. de  
 fun. Rom. III, VII. Omnibus his supervenit auctori-  
 tas scriptorum, quorum sententias recitare, esset arenas  
 Libycas metiri velle. Qui iidem oblectari deos ipsos so-  
 lo natalitio finxerunt. De eo magis est dubitandi locus,  
 an natura generet hunc affectum? id est, an ad amorem  
 caritas etiam, quam ex natura supra duximus, patriæ  
 competat? Quod plurimis visum esse deprehendo: in-  
 primisq; memorabilis est narratio & ἐπίκεισις Curtiana;  
 lib. V. cap. V. A quibus si discessionem fecero, nihil præ-  
 ter meritum novaturus videor. Separemus autem (quæ  
 confundunt ferme J. C. in finitione jûris naturalis) na-  
 turæ instinctum, à præcepto: quorum ille est fortis in-  
 clinatio, & conspicitur quoq; in brutis, ut sunt, quas  
 σοφία, itemq; ἀεὶ δὲ φύσις, nec non τὰ πρῶτα κα-  
 τὰ φύσιν, seu *prima nature* vocant; hoc inter ratione  
 utentes vim obligandi tenet, ad quam formam descri-  
 psimus caritatem. Lege, si placet, exquisitam disserta-  
 tionem, quæ habetur in παναγιῶν Siracidis, cap. XVII.

Jam si natura arcano motu nos rapit ad amandum  
 præ ceteris superficiem aut incolas genitalis terræ, quæro  
 primum, quo consilio, qua necessitate? deinde, cujus  
 temporis incolas respiciat hic amor? porro, quibus indi-  
 ciis



ciis evidenter vim hanc insitam agnoscere debeam? Me-  
tuo enim, ne, quæ tu dicturus es, aliis item causis con-  
veniant. Nec magis recipi potest illud, quod natura  
nos beneficio rectæ rationis vellicet, ac patriæ quadam  
lege devinciat. Non est injustum, inquires, non dili-  
gere locum, qui te genuit, sive, ut auferantur figuræ,  
ubi primum & summum acceperis munus? non vide-  
tur. Locus enim quid est aliud, quam externa rei περι-  
στασις? quæ nec beneficium dat, nec recipit. Quod si  
homines vis intelligi, quos ambit locus; effare, cur illi  
gratiam debeant capere paterni diviniq; muneris? Nem-  
pe homines hominibus demum obligat, aut ipsorum fa-  
ctum, aut natura, qua sunt homines & consanguinei.  
Quapropter hæc me tenet opinio: duo esse, quæ nos pa-  
triæ concilient, memoriam vitæ acceptæ & actæ. Neq;  
enim diffitebor, beneficium esse, nasci. Quo modo  
agnus in fabulis ad canem: *Beneficium magnum sane na-  
tali dedit, Ut expectarem lanium in horas singulas.* Posi-  
dippus autem (Sileno etiam, ni fallor, tribuit Aristote-  
les) è duobus alterum eligendum scripsit, ἢ τὸ γενέσθαι  
μὴδέ ποτ', ἢ τὸ θανεῖν αὐτίκα τιμώμενον. Impatenter certe  
& ingrate: πάντα γὰρ ἐσθ' ἀβίη, ut corrigit amæbæo  
carmine Metrodorus.

Sicuti vero locum, qui læsit, averfamur, *ne amplius*  
(loquor cum Justino XIX, IX.) *gravem luctus ima-  
ginem*



ginem renovet, neve ultra amara ejus admonitio oculis occurrat; unde ovidio, Trist. III, l. est insania, quod victus repetit gladiator arenam, Et redit ad tumidas naufragapuppis aquas: ita impense diligimus & sectamur testem acceptæ vitæ, h. e. bonorum optimi, locum. Quod si ad istam commendationem accesserit habitandi mora, exprimi nequit, quantum amor ex eo capiat incrementum. Unicum Senecæ dictum expromam, qui de provid. IV. de majoribus nostris inquit: *Perpetua illos hiems, triste cœlum premit, maligne solum sterile sustentat, imbrem culmo aut fronde defendunt, super durata glacie stagna persultant. Miseri tibi videntur? nihil miserum est, quod in naturam consuetudo perduxit. Paullatim enim voluptati sunt, quæ necessitate cœperunt.*

Hæc me verba admonent, ut noceam, cum triplex bonum sit, quod obijciatur amori, virtus, commodum, voluptas, uti superius demonstratum; patriam quidem ad ultimum pertinere. Nihil apertius loco Tullii, quem ex lib. II. de L. L. mox laudavero: cui sexcentos alios, eandem patriæ dulcedinem jucunditatemq; memorantes, possum aggregare. Jucundum vero omnium potentissime animos trahit, & quasi thyrso quodam percutit: ne quis miretur, consuetudini sine natura tam acres esse stimulos. Mille, inquis, faciam testes, qui diversum scripserint. Sed qui sunt, obsecro, qui scripserunt?



runt? homines nempe, in quos error cadit. Bene Plato :  
*ἐπισήμη δ' εἰκρίνειν, ἀλλ' ὃ πλήθει.* Quare si ad hoc testi-  
 um mille adjeceris alterum, itemq; tertium, magis me  
 tamen veritas, quam auctoritas, movebit. Nec tamen  
 solus sum in ista hæreſi: etiam noster est pro parte ali-  
 qua C. L. Berneggerus, Quæst. IV. in Tac. Germ. cu-  
 jus argumenta lecturis intacta reliquimus. Neq; omni-  
 bus, quos testaris, quam tu credis, fuisse mentem arbi-  
 tror. Etenim, ut tandem ad propositum appellam, vi-  
 dentur doctiores, cum caritatem, i. e. ferè omnia patriæ  
 nos debere, cui & in qua nati simus, asseverant, ipsam  
 profecto remp. demonstrare.

Dices, In rep. continetur patria. At nec semper,  
 quæ patria, eadem nostra est civitas: nec, si sit, tan-  
 quam patriæ ista debes, sed tanquam civitati. Illustris  
 est locus Cic. de LL. II. *Ego me hercule & illi (Catoni)*  
*& omnibus municipibus duas esse censeo patrias, unam na-*  
*turæ, alteram civitatis: ut ille Cato, cum esset Tusculi na-*  
*tus, in populi R. civitatem susceptus est. Itaq; cum ortu*  
*Tusculanus esset, civitate Romanus, habuit alteram loci pa-*  
*triam, alteram juris. Ut vestri Attici, priusquam Theseus*  
*migrare eosdem ex agris, & in astu, quod appellatur, o-*  
*mnēs se conferre jussit, & Symbradas ex Atticis: sic nos &*  
*eam patriam dicimus, ubi nati, & illam, qua excepti, su-*  
*mus. Sed necesse est caritate eam præstare, qua reip. nomen*

D

univer-



*universa civitatis est* (melius in cod. Memmiano legitur, Lambino teste, *qua populi Rom. universi civitas est*) pro qua mori, & cui nos totos dedere, & in qua nostra omnia ponere & quasi consecrare debemus. Dulcis autem non multo secus est, qua genuit, quam illa, qua excepit. Nec ratio hujus locutionis est obscura: quoniam enim, ut docui, nomen patriæ est amoris & favoris plenum; oratio eruditorum, maxime cum describunt bona, quæ ex civili progerminant societate, aut mala, quibus maculant eam dissoluri, merito inde pondus mutuatur.

Civitas ergo est, cui respondet caritas. Primum enim, cum civitatis finis præcurrat finem singulorum, civitas quoque est his præstabiliior: honorem igitur ei, maximeque eminentiorum gratia, debent, & proinde sunt inferiores. Obstrepit nescio quis, atque per hoc imperantes à caritate patriæ submoveri exclamat. Sed ne dicam, quod summa rerum ad paucos respicere aut unum solum potest, immo in plerisque civitatibus solet (sufficere autem debet, si majoris partis habeatur ratio) certe cum patriam illi referant, ipsorumque adeo commodis publica sint innexa; amor patriæ apud ipsos, maxime apud principes, cum amore proprio paria videtur facere: retroagi enim possunt hæc duo, & conveniunt effectui, licet affectu discrepent; ut explanatius alibi, ductis inde eximjis quibusdam consecrariis, trademus.

Quo-



Quomodo autem hunc amorem sibi præstent, ex illorum scriptis doceri queunt, qui tractant de juribus ac virtutibus imperantium. Si tamen ad sensum popularem loqui placet, dicatur sane, tam inferiores caritatem, quam superiores amorem patriæ debere, h. e. omnes, qui patriam agnoscunt, prout quique juvandi viribus sunt armati, adeoque vel maxime imperantes, eorumque consultores & amicos.

Pulcrè dictum à Nerone, sed dictum solummodo, *cunctas sibi curas amore patriæ leviores.* Tac. A. XV, XXXVI. Factum vero etiam, si à quoquam, ab Augusto jam principe: cujus historia, ut exemplar absolutissimum *parentis patriæ*, huc eximiè pertinet. Is enim & fuit, & salutatus est: & quidem primum ita salutatum credit Jo. Baptista Egnatius, Romanor. princ. lib. I. Sed jam rep. libera, detectis Catilinæ molitionibus, meruit hoc cognomen Cicero: ut præteream, quod & ante acclamatum est à milite Camillo, & post Julii funerati columnæ plebs adscripsit, P A R E N T I P A T R I Æ. Cujus tituli vim explicat Sen. de Clem. I, XIV. Quærunt cum aliqui (veluti Mynsing.) in §. VII. proëm. Inst. ubi apparent notæ P P. A. Ejus rei impatiens Ernstius, ad Not. Val. Probi notat: *Miror J. C. nonnullos, notas apud Justinian. Imp. in proëm. J. S. VII. P P. A. interpretari, Patre Patriæ, aut Patre Populi. Discant ex Val. nostro,*

D

stro,



*stro, & Magnone, quod P. P. & P. P. differant.* Idq; etiam ex Pandect. Florent. præfationibus intelligi, Pacius testificatur. De consiliariis, meo iudicio, sint legenda, quæ composuit Petr. Magnus Parmensis, cap. XII. & XIII.

Sed propterea quoq; caritas convenit civitati, quod huic ratio recta & natura nos copulat. Primo namq; ad civilem congregationem hortatur, & inclinatur: cui qui sese addunt, caritatem, jam ante ex aliqua parte debitam, promittunt, aut ex negotii indole promississe intelliguntur, sine quo vinculo, illa non coalescit: discedere autem à promissis eadem natura, atq; ita Deus ipse, vetat. Quod altissimè animis infigendum opinor: expedit enim, amorem patriæ non ἀδιάφορον credi. Etsi inter ea, quæ subjecta sunt huic amor, quædam fortius, alia laxius nos adstringunt, quæ omnia complectuntur Zenoniorum καὶ ἡκούστα: quæ sollicitè in docendo pariter & agendo volunt discerni. Nam (exempli causa) fortius adstringit emolumentum patriæ, quam ornamentum; & in illo potior cura est de damno avertendo, quam parando lucro. Is ergo amantibus patriam finis erit princeps, ut summo legislatori pareamus.

Sanè & aliis commodis (quæ suo reddentur loco) intendere animum licet; modo ne gradus conturbentur, & id, quod primum quasi mobile esse debebat, vel quiescat, vel tardius ceteris moveatur. Præclarè, sed pagano  
nico



nicophilosophandi more, quo finis virtutis ipsa est virtus, ordinem custodit Virgil. *Æn.* VI. de Bruto loquens: *Vincet amor patriæ, laudumq; immensa cupido.* Eadem verò ratio, quæ præscribit actiones, ut legislatrix, suggerit peragendi modum, ut consultrix: quam omnino audient, qui civitatem colunt. Nam & hos vituperandos censet Aristoteles, *Eth.* VII, IV. qui peccant ἐ τῷ πάχειν, καὶ ἐπιθυμῆιν, καὶ φιλεῖν, ἀλλὰ τῷ πῶς, καὶ ὑπερβάλλειν. Quas ob res Demosthenem Pausanias, Catonem Cicero, Ciceronem ipsum alii notant: patriam enim, sed inconsideratè, diligebant. Nec rarò viris vel litteratissimis usu venit, ut studio patriæ, pro cuius causa stilum fatigant, velut æstu correpti, ad falsarum opinionum Syrtes deferantur: quo in numero forsan Grotius & Seldenus, de dominio maris ambigentes.

Quoniam igitur & inclinatio cum honore, & rationis imperium consiliumq; ad civitatem quadrant, ad eandem etiam quadrare caritatem, simulq; laudes illas, quibus φιλοπατρίαν cohonestant viri docti, putemus. M. Tullius auctor est, præf. paradox. *sæpe Catonem, cum in Senatu sententiam diceret, locos graves ex philosophia tractasse.* Horum exempla paullo post enarrans, *de caritate patriæ* etiam dixisse scribit. Non injuria aut gravem philosophiæ locum credidisti, Cicero, aut in senatu tractavisti, Cato: qui enim caram habet civitatem, ea sectatur,



tur, quæ conservant eam; abhorret, quæ disturbant. Virtute verò eam contineri, scelere dilabi, prudentibus est persuasum. Ergo compendiosissima ad virtutem via est, studere patriæ. Hierocles autumat, apud Stobæ. Serm. CLVII. δὲν ἀποικοδομεῖται πᾶν ἢ πάθος, ἢ νόσημα τῆς ἐαυτοῦ ψυχῆς τὸν πατρίδι χερζόμενον καλῶς. In pietate erga patriam (ut Cic. maxime amat loqui) non minus, quam injustitia, πᾶς ἀρετῇσι: eminet in medio virtutum choro, tanquam mater inter filias. Quanquam aliæ remotiores, interiores aliæ, ut fides, liberalitas, civilitas, fortitudo. Arrian. in Epicteto, III, XX. appositè conjungit φιλόπατριον, μεγαλόφρονα, πεισὸν, γενναῖον. Lerna igitur vitiorum, μισόπατρις; virtutum autem velut æditiuus, aut templum ipsum, φιλόπατρις: si Græcanico verbo est utendum, quod etiam suo cuidam dialogo indicem fecit Lucianus. Nobis dicitur *amator patriæ*: id enim est A M. P. apud Val. Probum, interprete Scaligero. In ejusdem Probi notis legitur, A D I. P. *adjutor patriæ*: nam ita melius putat Ernstius, quam apud Gresemundum, *potentia*. Egregia sanè nomina: quæ quid gremio suo complectantur, multi magniq; scriptores hic illic expediverunt; maxime hi, qui tam in universum de quarto Decalogi membro, de caritate, de justitia, & huic subjecta grati animi virtute, de officiis, de jure naturali præceperunt; quam se-

para-



paratim de bono cive, de conservatione rerump. de potentia civitatum, & horum similibus, nominatimq; de eo, quales in patriam esse debeamus, ut Hierocles in λόγῳ, cuius apud Stobæum particulæ visuntur, πῶς τῇ πατρίδι χρησέον; sive is pars est 'Οικονομικῆς, sive cum eo majoris operis partem facit: quorum illud Vossius pater, hoc Jo. Pearsonus affirmat.

Quibus ita significatis, officio meo defunctus videor: cum enim sit ostensum, quid patriæ caritas vocetur sapientibus, licet sanè, quæ ad culturam civitatis pertinent, ex ipsis sedibus suis ac fundis petere. Attamen quoniam viri illi summi, pro otii institutique ratione, alienæ industriæ non nihil reliquerunt, de utili fecundoq; argumento pauca, quæ libitum erit (semel moneo) delibabo; tanto id magis, quod sæculo vivimus, ubi ferè amorem patriæ lucri & honorum amor extinguit. *Privata cuiq; stimulatio, & vile decus publicum.* Itaq; partem officii erga patriam judicavi, si de officio patriæ reddendo pro virili in medium consultarem; eandem & scribendi causam habens, & materiam. Ut autem, quæ dicuntur, accipienda omnia de rep. veniunt; ita ex scriptoribus ad testimonium citandis ea magis decerpemus, quæ patriæ nomen velut fronte præferunt: quo & superiora magis firmentur, & hæc accessio meliori jure niti videatur.

Debe.



Debemus igitur in universum patriæ τὰ οἰκεια καὶ τὰ ἀρεμώδη: quæ ad horum aliquod pertinent, honestatem, vel utilitatem. Sed honestas utiq; non solo fine; etiam modo æstimatur. Quis proinde ferat Italorum quorundam (per quorum vestigia ivit Lipsius, Pol. IV, XIV, LI.) horrible secretum, causâ boni finis (in quo ipso arbitrando vanis rerum imaginibus sæpe deluduntur) omnia licere: quam verè tot malarum artium scaturiginem, ac veluti πρῶτον ψευδος dixeris. Censetur sanè finis dare bonitatem mediis. Ita enim appellant hodie, quæ velut media inter voluntatem, & id, quod volumus, i. e. quorum auxilio ad optata pervenitur. Sed optime Dan. Stahl. regular. philos. VII, V. *Non est sermo de bonitate morali, quasi finis, si moraliter bonus sit, faciat etiam media esse talia; sed intelligitur ita, quod medium, ut medium in se, per se & propter se, non sit expetibile agenti, nec ab eo hoc modo ametur; sed quod ab ipso pro bono habeatur & ametur, id inde esse, quod res, ad quam acquirendam utile est, tanquam finis appetatur.*

Quid si & in mediis discernas res interius ac natura sua malas, quæ ipso nomine vitium involvunt, qualis cædes innocentis; ab indifferentibus & μέγας: quibus solis bonitatem impertit finis. Itaq; largitionis (quod genus inhonestum ferè habetur; atq; ob id junguntur Ciceroni largitores & factiosi, in aurei de Offic. commenten-



mentarii libro I.) exemplum lego, ab optimatibus Ro. approbatum, *ne Catone quidem abnuente, tam largitionem è rep. fieri*, apud Suet. Jul. XI X. Publica nempe utilitas regula & amittis est largitionum. At non Octavii arma civilia, quamlibet *discordantis patriæ remedium*, laudantur: etiam qui excusant, præ se ferunt apud annalium scriptorem, I, I X. *neq; parari potuisse, neq; haberi per bonas artes*. Nam de adulterio tyrannicidæ, quod solet proponi (de quo etiam Sen. Contr. IV, VII.) nihil addam: in quo finis ipse dubitationem habet. Interim evolvant, oro, Ciceronem mangones isti, extremo lib. I. Offic. cujus hæc summa: *Sunt quædam partim ita fœda, partim ita flagitiosa, ut ea ne conservande quidem patriæ causa sapiens facturus sit.*

Honestæ igitur patriæ tribuimus; sed & (quod alterum ex duobus erat) conducibilia. *Quo est detestabilior istorum immanitas (veluti tyrannorum) qui lacera- runt omni scelere patriam, & in ea funditus delenda occu- pati & sunt, & fuerunt*, ait ibidem Cic. tangens maxime Iulium: quem ideo *patriæ parricidam* vocat Lactant. I, X V. ceu opponeret *parentis patriæ* titulo, quo mor- tuum insignitum dixi. Huc retuleris patriæ proditores: quorum pessimi, quos finit poetarum maximus, Æn. V I. versu illo, quem nostri mores notissimum fecerunt: *Vendidit hic auro patriam, dominumq; potentem Imposuit.*

E

Non



Non exscribam, quæ de hoc *execrabili criminis genere* ad eundem locum philosophatur Donatus, & commemorat Servius. Proditionis suboles, est transfugium; transfugæ enim *malo consilio & proditoris animo patriam relinquunt*, l. XIX. §. IV. Dig. de captiv. & postlim. rev. Debilitant enim, quantum in se, patriam, & mox ei manus inferunt. Itaq; jure civ. hostium numero sunt, nec postliminio revertuntur, d. l. & §. VII. ac postulari queunt læsæ majestatis, l. X. Dig. ad l. Jul. maj. Enimvero cum omne crimen majestatis sit vel *πλασιόν*, vel verum, hoc vel in remp. vel imperantium, qui loco ejus sunt, auctoritarem potestatemve, quam per sese, vel magistratus exercent; illud in remp. admitti patet. Ne ergo strenui simus in consciscendo patriæ malo, sed procurando potius bono: quod scindit sese, auctore Hippodamo Thurio, Cicerone, Suetonio, aliis, in incolumitatem & amplitudinem. Et quidem hæc illam comprehendit, sed decus & robur adjicit: quale in corpore est obesitas, vel potius quadrata forma; quoniam quidem illam in vitio, hanc in laude ponit Celsus, de Medic. II, I.

Quam ut præstent imperio Principes nostri, egregio symbolo admonentur, Augusti, inquam, nomine; sive effectum consideres, sive rationem appellationis. Neq; enim hoc adeo refragatur antiquitati, ut existimant ali-



aliqui doctiorum, nauseantes receptum illud, *Mehrer des Reichs* / & Accursium antiquitatis expertem, ut auctorem fabulæ, incusantes: siquidem fuisse, qui ab *auctu* inclinarent augustum, certiores nos facit Suet. Aug. VII. Nempe *augere*, ut probat eo loci Casaub. verbum est sacrorum, ad civilia transsumtum boni omnis gratia. Quo minus dubitationis relinquerem, subscripsi elegos Ovidii ex Fastor. I. *Sancta vocant augusta patres, augusta vocantur Tempia sacerdotum rite dicata manu. Hujus & augurium dependet origine verbi, Et quodcunque sua Jupiter auget ope. Augeat imperium nostri ducis, augeat annos: Protegat & nostras querna corona fores.* Ex his, quanquam Augustus ille potius videtur, qui augeatur, quam qui auget; scire tamen licet, ab augendi verbo non tam absurde flecti, quam illi putaverunt: deinde, vulgare interpretamentum hac ratione facillime tolerari; quod præsertim eo valet, ut quasi breviario quodam ostendat, quantum patriæ debeat. Sed in conservandis patriæ utilitatibus cavendum, ne si plura ostendantur bona vel mala, optio nostra in id, quod minus bonum, aberret. Ex hac lege incertus sum, an acculem, qui *duces suos seq; patriamq; ferro & veneno, subiectoq; undiq; igne peremerunt*: quod de Numantinis recenset ac dilaudat Flor. II, XII. de aliis annotat Freinsheim. Wendæ, cum in Livonia dux Moscoviæ cum



Joanne filio fœdissime grassaretur, obsessi per mutua se amplexi, pastiq; sacra cœna, pyricum arci pulverem subjecerunt.

Quibus in exemplis aliter forsan de his statuendum, qui servitutis aut pacis dedecora fugiunt, aliter de his, qui mortem simplicem, aut certos & intolerabiles utrobq; cruciatus. Primi famam vitæ præponunt, eoq; pro leviori malo (facessant oratorum λήκυθοι) ambitioso errore gravius optant: quod haud dubie est nocere. At medii nec prosunt patriæ, nec obliunt, sed plane, quod ajunt, παντάλω τὸν πάντα λον; in quo gloriæ siti, aut consternatione aguntur, cujus proprium est cogere, *ne moriare, mori*. Novissimum genus prodesse equidem aliquantulum videtur; diciq; de hoc potest, quod de illis, qui, comitiali morbo obnoxii, jugulati gladiatoris sanguinem potant, Celsus de Medic. III, XXIII. dixit: *Miserum auxilium tolerabile miserius malum facit*. Delinquunt tamen, si id rogas, omnes: propter quod persuasum habet Augustinus, de C. D. III, XX. *si Saguntinorum Christianus populus esset, se ipsum nec ferro, nec ignibus corrupturum fuisse*. Excusationem tamen aliis alii majorem ac miserationem emendicant; præcipueq; ab his, qui vices rerum cogitantes, timere potius sibi, quam aliis irasci didicerunt. Illud igitur constet, parum esse, non nocere patriæ, nisi & commodos; aut commodare, nisi id,



id, quod est commodissimum, eligas; immo (quod majoris longe artis & præstantiæ) ex malis ipsis, quæ sunt indeclinabilia, boni aliquid excerpas. Qua in re facem nobis præferunt musices periti, qui ex notis dissonantibus, ut vocat sæculum, suavem & eruditum concentum efficiunt. Sed de hoc arcano alias.

Prosumus autem patriæ (ut rem propius adspiciamus) cum per alios, tum per nos ipsos. Nam quibus curæ est τεχνοποιία, hi per liberos remp. augent. Euripides, Erechtheo: τέχνα τῷ δ' ἐκνήι τίχτομεν, ὥς θεῶν τε βωμῶσ, παλῆϊδά τε εὐώμεθα. Quisquis igitur patriæ cupis, familiam extende, *Atq; aliam ex alia generando suffice prolem.* Ex his consequitur, cœlibatui, præsertim incesto, matrimonium, & matrimonio sterili secundum longe quodammodo antestare. De quo non possum, quin interferam iudicium Mercurii Trismegisti, vel quicumq; auctor est Pœmandri, c. II. *Altera Dei appellatio, inquit, pater est; ob eam causam, quia omnia gignit: patris enim officium est, generare. Quapropter præstans id in vita censetur studium, atq; ipsum apud sapientes, procreatio liberorum. Extrema vero omnium calamitas & impietas accidit illi, qui absq; filiis à vita discedit: qua de causa daemonibus dat pœnas post obitum. Supplicium deniq; huiusmodi est, ut sterilis anima in corpus quoddam per iudicium migret, cui nec maris, nec femina natura insit, quod*



quidem à Sole elevatum est atq; connexum. Igitur, ò Æsculapi, cum homine, qui nullos genuit filios, nullum habeto commercium: infelicitatis tamen ejus miserere, cum noveris, quæ hunc mala post interitum maneant. Ita quidem Hermes, qui ex re decora necessariam efficit, bene sane, si ex utilitatibus patriæ rem spectes. Etsi casus à culpa, temeritas & fraus à ratione debuerat discerni: cum tempora quædam *τεννογονία* reddant inconsultam, quædam supervacuam; interdum magis aut æque utilis est solitudo.

Sed huic vinculo naturali civile identidem accedit: siquidem ad vitam jugalem invitare solent leges florentium rerump. qualis Romæ Julia & Papia, de maritandis ordinibus, nobilitata commentario Jac. Gothofredi: cujusmodi sanctiones *fundamenta reip.* dicuntur Panegyristæ Maximiani & Constantini, cap. II. Pessime enim institutæ civitatis nota est, quam Crotoni tribuit Satyricus: *In hac urbe (sic ille) nemo liberos tollit: quia quisquis suos heredes habet, nec ad scenas, nec ad spectacula admittitur, sed omnibus prohibetur commodis, inter ignominiosos latitat.* Quem locum non dubie, si extarent, graviter illustrarent Orationes Q. Metelli, de prole augenda. Licitos vero amores ut parit, certe debet, amor patriæ; sic eosdem ita temperat, ut duo cum primis evitare suadeat. Primum, ne ei maritus fias, cujus mores  
impro-



improbam subolem promittant. Utrum enim præstat, nullos an noxios patriæ cives exhibere? Dehinc, ne facile (quo verbo spem industria & fiducia in Deum nixam excipimus) inops inopi te jungas. Etenim procreare, quos mox fame sis enecturus, est eodem tempore dare & negare. Inquis: Suscipiet patria vicem patris, & natorum sumtus. Atqui per hoc onus, quicquid commodi tribuisti, exhauris, laudemq; generationis temeritatis mixtura deles.

Per alios quoq; patriam diligit, qui diligit patriæ utiles, nec gloriæ suæ detractum credit, quod alterius gloriæ concesserit; qui cum Plinio, Ep. V, XVII. *favet saculo, ne sit sterile & effœtum, mireq; cupit, ne nobiles nostri nihil in domibus suis pulcrum, nisi imagines, habeant.* Nec autem præclaros tantum, sed omnes fovere, neminem odisse, salus patriæ quemq; jubet: *ne cum inimicis nocere se speret, noceat reip.* quod est apud Cæf. de bell. civ. I, VIII. Tacuissem hoc præceptum, nisi plurimum ore, quam factis, frequentaretur: in causâ voluptas ultionis, & falsa honoris imago. Quæ duo imperiosissima monstra ut ratione debellemus, vel immortale Fabii nomen hortatur, qui inimicum Dictatorem dixit, apud Liv. IX, XXXVIII. *insignem dolorem ingenti comprimens animo:* quem idcirco in exemplum commendat, indeq; salutare ducit *πρόει Qua*, homo alias de virtute non perinde



perinde meritis, Nic. Machiav. in Liv. III, XLVII.

Nolim autem hoc præceptum ita accipi, sicut ex ethnicis quidam videntur accepisse. Si enim hanc sententiam habet, extra emolumentum patriæ licite geri inimicitias, sive patriæ commodum interpreteris de temporaria quadam & evidenti utilitate, assensum à me nullum impetrat. Omnes quippe inimicitiae (si vera, quam jucunda, loqui malumus) scelus sunt: quando omnes fini & juribus humanæ societatis, magisque civitatum, maxime vero civitatis Dei, adversa fronte pugnant. Da mihi hostem publicum, da Turcam, da parricidam: in his si personam potius, quam crimen, odimus; si aliter nos gerimus, quam iudex inculpatus; si denegamus, quæ ut homini debemus, fas abruptimus. Quamobrem eundem Fabium indistincte commendare nollem: siquidem deponendæ inimicitiae solam invenit causam, unicum illud commodum, quod tunc patria expectabat. Prudentis sane & boni erat, scire & obsequi legem æternam, patriæ cedere nos jubentem: ceterum male ignoravit, simulates, utpote malum oppositum caritati, per sese inhonestas, omniq; tempore in publicum noxias esse; atq; adeo non tam bene fecit, quam malum distulit. Quid nos hodie? ne præsentem quidem patriæ comodo mitigamur: in tantum non modo à Christianismo, sed etiam à paganismo degeneravimus.

Reli-



Reliquum est, ut designetur, qua via per nos reip. profi-  
mus. Id non modo efficitur, si nostri, qui partes sumus  
patriæ, religiose curam agamus, veluti si medicis auscul-  
temus, cum Plin. Ep. VII, I. si nec difficilibus itineribus,  
nec duellis, nec periculis aliis temere nos objiciamus;  
sed etiam si animus noster aut corpus recta in commo-  
dum patriæ feratur. Quæ hic animi partes sint, rogas?  
ut piis motibus, reverente judicio patriæ semper occur-  
rat: ut bonis vel malis ejus intime, tanquam *ὑμπαδεία*  
quadam, afficiatur: ut votis cœlum fatiget, *si reip. in*  
*meliores statum vertisset*: ut civilibus maxime existenti-  
bus discordiis, hunc suspiret exitum, *Vincat, quicumq;*  
*necesse Non putat in victos seivum dstringere ferrum*; vel  
potius, *ut redeat expulsa pietas, Et moderata animi equi-*  
*tas, Et ex utraq; amnestia, Et ex amnestia pax, Et ex pace*  
*Dei gloria*; quod turbatae Germaniæ vir non minus pius,  
quam eruditus optabat. Inprimis vero animi est, iis se  
dare studiis, quæ patriæ vel utilia, vel decora (quan-  
quam decus utilitate continetur: *nam quod decet, fere*  
*prodest*, vox est Fabii, I. O. XI, I.) ut, quæ usquam  
egregia, in patria occurrant. *Πάντα δὲ (ait ille) ὅμαι*  
*παιδεύματα καὶ μαθήματα συνέγχεσθαι ἀνθρώποις, καὶ ἐπι-*  
*μωτέρεσθαι ἀπὸ τέτων ταῖς παιδείαις καὶ ἀνακινεῖσθαι.*

Quamquam igitur nulla est bonarum artium, cu-  
jus sit nullus in rep. ordinata usus, si præsertim eximie

F

cola-



colatur; tamen cum hæc plus conferat, illa minus, in deligendo opus est auspicio prudentiæ: quo discernas, quid cum in sese, tum pro indole tua (quo enim ingenium inclinatioq; animi ducit, eo divinitus evocari nos credo) maxime vero pro patriæ statu ac tempore sit utilius. Ejus generis cautio est, si non facile adjungamus nos studio, in quo versati jam plures adsunt patriæ, vel adesse possunt. Aliter & commoda ipsi nostra gloriamq; interpellabimus, & efficiemus, ut patria in uno genere doctorum affluentia, in aliis penuria laboret. Ceterum ut in eligendis studiis judicio constantiaq; sic in tractandis extrema diligentia, & majore sane olei, quam vini impendio, patriæ causa opus est. Quod enim de sacris studiis non nemo, id de omnibus promiscue dixeris: *Opera omnis perfunctoria, & oscitantia languida in tantis rebus* (quæ mediocriter cultæ plus fere intertrimenti, quam bonæ frugis afferunt) *scelus est nefandum.*

Sed quotusquisq; vel in amplectendo, vel in percolendo disciplinæ genere, patriam in consilio habet? Omnes ad lucrum unice & capturam, ceu metam, currimus: quod quid aliud est, quam ex Musis prostibula facere, ex doctrinis opificia? De qua labe jam olim questæ Institutiones Quintiliani, lib. II. cap. ult. sub fine, & Satyricon Arbitri, per occasionem deficientis picturæ. Ita fit, ut postquam omnes generosiores spiri-  
tus



tus vilissima quaestus cura elisit, vulgari & tumultuaria eruditione contenti, litterarum & reip. gloriam, non dicam, non ampliemus (id enim beneficium potest videri) sed invidiose demoliamur.

Eodem pertinent, quos ad studium curiosa invitat ambitio: hi enim summam fere laudis in eo ponentes, ut legisse ac meminisse quamplurima dicantur, minimum tribuunt meditandi moræ; sine qua nihil digestum, certum, integrum. Itaq; cum negligens hæc industria, & animi per studia præcipitati velut furor, magnam magis, quam solidam scientiam, vel scientiæ potius umbram pariat, falsaq; choragium gloriæ; Apollines mihi videntur, qui eruditorum tenuem adeo numerum statuunt, ut (quod de principibus bonis ille censebat) annulo possint inscribi; utq;, verbo Tullii, *sapius mula pepererit, quam sapiens fuit*: adeo fere semper vitiat modum vitiosus finis.

Sed in hoc genere permolestum accidit, quod tunc, cum studiorum aliqua est ingredienda via, vel naturam scientiæ, quæ sectanda, vel conditionem patriæ, cui sectanda, hebetiore visu ferme adspicimus. *Primum* (ut ab eodem Tullio dictum est, I V. Academicar.) *ante tenentur adstricti, quam, quid esset optimum, judicare potuerunt: deinde infirmissimo tempore atatis, aut obsecuti amico cuidam, aut una alicujus, quem primum audierunt, orati-*



one capti, de rebus incognitis judicant, & ad quamecunq;  
sunt disciplinam quasi tempestate delati, ad eam, tanquam  
ad saxum, adhaerescunt. Inde contentio Synesii & Pylæ-  
menis, utrum magis deceat amantem patriæ, causas  
orare, an philosophari? Transcribam epistolæ Synesi-  
anæ verba, ut convertit Jo. Caselius, πολὺν χρόνον c.  
XIII. Ego, quod Heracleam amas, & hoc toto animo agis,  
ut de ea bene merearis, id ipsum laudo. Meis autem verbis  
eo spectabam, philosophiam anteferendam esse isti forensi  
opera. At vero tum mihi causas agendo potius, quam in phi-  
losophia perseverando, opinari videris te plus profuturum  
patriæ. Qui vero istuc? quod ab instituto tuo non abis, ejus  
rei causam in animi tui erga patriam pietatem confers. Hoc  
igitur est, quod derisi, nequaquam autem illam benevolen-  
tiam: videl. quod perperam existimas, ad hunc egregium  
amorem plus tibi profuturum, si in actionibus causarum per-  
petuus sis. Etenim nisi profitear, philosophiam hoc posse præ-  
stare, ut civitates in meliorem locum restituat, refutabit  
me Cyrene, cujus omnium in Ponto urbium status est exqui-  
sitissimus, & reliqua. Quæ animi in colenda patria par-  
tes essent, huc usq; declaravimus.

Jam in corpore nullum apparet membrum, quin  
ad patriæ usus destinatum à providentia conditoris vide-  
atur. Præcipuum munus est linguæ, proximum dextræ.  
Et orationis quidem usus frequentissime in honorificis  
de pa-



de patria cædendis sermonibus cernitur. Abeant igitur in Morboniam, qui nisi peregrina non admirantur. Sordet ipsis vetus patria: sub Gallico vel Italico cælo esse nati, vivere, emori deniq; mallent. Idq; errante nomenclatura prudentiam & candorem appellant: quasi prudentia sit, efficere, ut propudiosæ patriæ civis videre, aut non exuberantior patriæ candor debeatur. Non multo cautiores, qui magnificas Romanorum exornationes, quibus imperium totius orbis arripiunt, imitantur, & reperta in patriæ contemptum sua faciunt: id quod hostem verius patriæ, quam cultorem, decet. De Germania equidem liquet, cis Danubium ac Rhenum sita vel nunquam Romanis, licet non adeo remotis, vel brevi, paruisse: quod vel ex Marq. Freheri Lupoduno discamus. Et sane victam fere magis, quam domitam, immo triumphatam magis, quam victam, & afflictam aliquando, aliquando afflixisse, ipsorum annales loquuntur. Inter clades & ignominias, quas paucas numerat, felicitas Julii & Augusti, non omissa Germani nominis mentio: cujus qui fuerit metus, testari potuit ille, cum testamenta conderet miles; hic, cum caput illideret foribus, diemq; probri mœstum quotannis haberet. Atq; id factum florentissimo imperio: plane ut singulari factorum industria subjectionis infamiæ exemptus videatur ille populus, qui in Romanam majestatem & imperium successurus erat.



Quare ut merito παρὰ τοῦ vulgi spernit Lampad. de Rep. Rom. Germ. part. III. cap. IX. ita quod ope distinctionis, inter actum & potentiam, explicatum ivit imperium illud orbis universi, quo superbiunt Romani, exigua à me gratiam iniit. Levissime in hoc genere peccat silentium, peccat tamen: cum æque sit culpa, ubi loquendum est, mussare; ac ubi silendum, eloqui. Scio, quid dixerit Philemon, quem Grotius, Excerpt. Trag. & Com. p. Dcc. sic Latine loqui docet: *Quotiens amicum apud hospitem diverteris, Dum sermo largus borsum & illorsum vagat, Suam ille si urbem prædicasset maximam, Tuam ex adverso patriam ne contenderis. Amicos inconciliat equiparatio.* Sed hæc, nisi de immodestia contentiois accipias, Gnathonem effingunt, non amicum.

Dices, Etiamne igitur in patria laudabo, quæ à laude sunt remota? Primum te respicere jubeo, cui loquaris, extero an populari: cum hoc, utiq; si sit familiaris, liberius agas, licet; dummodo pensitata, & in gratiam veritatis promas. Et si, quod ad acta reip. pertinet, civilius mihi sapiunt, qui persuasi, fontes negotiorum publicorum esse & sacros, & abstrusos, potissimam rerum circumstantiam facile nesciri; decipi multos prima specie; plures deniq; rectius providere, quam unum, ultra privatae sortis circulos hæc ponunt. *De aliis artibus* (inquit



quit Melanch. in pol. Aristot. l. III. qui & in seq. gravi-  
 ter in Theologos quosdam perorat) *nullis judicare per-*  
*mittitur, nisi artificibus & usu peritis. At de ratione reip.*  
*regenda, quæ est haud dubie omnium artium longe difficilli-*  
*ma, judicant homines prorsus imperiti: qua in re non modo*  
*indignitas summa inest, sed etiam plurimum periculi: quia*  
*labefacta auctoritate legum (& imperantium) non potest*  
*tranquillitas reip. retineri. Quare hæc impudentia publicis*  
*pœnis castiganda erat.* Porro, si laudare est nefas inho-  
 nesti, uti quidem est; cum hoc nihil aliud sit, quam fal-  
 sarium agere: at certe est proximis locus. Reticebo, aut  
 excusabo, quod probare inoffensa veritate non potero;  
 & aliud magis, aliud minus, pro genere commissi & gra-  
 du. Infirmitatem humanam commiserer, lenitis gra-  
 vioribus, vocabulis, & oratione doctis coloribus, quos  
 ipse non fastidiat Rhadamanthus, obumbrata. Ejus rei  
 memores videntur, qui incultæ nostratibus sapientiæ ci-  
 vilis antiquitatisq; culpam in sæculum malunt referre.  
 Sed hæc ita moderari oportet, ne dum patriæ consuli-  
 mus, alterius gloriæ per injuriam derogemus. Quo no-  
 mine juste taxatur à prudenti viro ἀνὴρ ἐχρυσός illa eru-  
 ditorum, diversæ nationis ingenia, studia, scripta livido  
 stilo deprimentium. Tam enim in vitio sunt, qui sua  
 tantum mirantur, uti Græculos notat Romanus, quam  
 qui externa omnia.

Quem-



Quemadmodum vero privatim, ita in publico, sæpe ad loquendum caritas patriæ nos inducit: in quo multo præstantior linguæ utilitas versatur. Itaq; ne ullius tunc favor aut metus obrigescere eam faciat, caveamus. Si enim inter amicos regnare debet παρρησία καὶ ἀπάντων κοινότης, monitore Aristotele; quid hos decebit, qui non unius, sed commune omnium bonum indagaturi conveniunt? Gravissime Camillus ap. Liv. V, LI. cum tribunis pl. ira obloquitur: *Et nunc quiescerem & tacerem libenter, nisi hæc quoq; pro patria dimicatio esset: cui deesse, quoad vita suppetat, aliis turpe, Camillo etiam nefas est.* Eant, & discant hoc magistro, qui præpotentes & gratiosos pecorum ritu sequuntur; qui cum deberent esse vocales & liquidæ, consonantes sunt aut mutæ. Sed rursus ab aliis provide monitum, ne libertatem dicendi, verbis aut nimis acribus, aut nimis multis corrumparamus. *Non implenda est curia verbis*, ait ille Dranci, apud πολυκώτατον poetam, Æn. XI. Cujusmodi crepitacula quam majestas loci, tam negotiorum varietas refutat. Eadem igitur lingua, cujus facundiam sæpe implorat patria, qua totos sæpe dies eximit, prudenter aliquando infantiam imitabitur, immo in silentium usq; descendet, τὰ μὲν εἰπεῖν, τὰ δὲ σιωπῆσαι δυναμένη; quod de Chrysanthio notat Eunap. in ejus vita. De antiquis Romanis Valerius M. l. II, c. II. *Adeo autem magna cari-*



*caritate patriæ omnes tenebantur, ut arcana consilia patrum conscriptorum multis sæculis nemo senator enuntiaverit. Exemplum, si quod usquam, sine exemplo: adeo rara laus est, non esse perfidum ac perjurum. Nisi quod de Venetorum consilio, quod appellant de Pregati, ex viris composito plusquam trecentis, non absimilia jactant Itali. Hactenus de linguæ ministerio.*

Dextram armamus pro patria calamo, & ense. Non raro enim stringere calamum, vel utilitas reip. vel gloria monet. Ex priori genere (quanquam & ad secundum ratione quadam refert Cic. dialogo I. de Leg.) maxime est historia: qua de cum Ovid. ex Trist. II. dixeris: *Et pius est, patriæ facta referre, labor.* Sed & alterum aliqui sunt secuti, cogitantes illud, *Cur somno inertī deseram patriæ decus?* qualis etiam confessio Scævola Sammarthani, in dedic. libri I. Lyricor. *patriæ ornandæ me tanta cupido Impulit.* Quo consilio adornata sit Æneis, condignum majestate Romani imperii opus, & veluti fastigium illius, quod jure suo *divinum* appellat imitator Statius; haud ignorant, qui paullo sunt humaniores: ut cum ceteris laudibus, tum gravitate propositi alios longe poëtas antegressus sit Virgilius. Nam Hesiodus quidem (dicam ore Velleii, I, VII.) *vitavit, ne in id, quod Homerus, incideret, patriamq; & parentes testatus est; sed patriam, quia multatus ab ea erat, contumeliosissime.* Ergo

G

cum



cum eminentissimi duo poëtae, alter in dextram partem, alter in sinistram exceſſerint, Maronis amula prudentia ivit per medium. Idem enim & propter patriam, & de patria scripſit, ſed honorifice; neq; id ſemel iterumq; ſed toto argumento; quod ipſum natura & artificio tale eſt, ut nec poëtae, nec gloriae Romanae & Auguſtae, cujus ipſa velut fundamenta jacit, ullum fingi poſſit convenientius. De Pharfalia certe (ſi tamen poematis accenſenda) humilius aliquanto ſentientem, firmavit præjudicium appellati modo Galli, Pædotroph. lib. I. *Forſerit, ut majora canam, cum triſtis Enyo Deſierit cacos armare in mutua Celtas Vulnera, & externo quaſitus ab hoſte triumphus Auspiciis, HENRICE, tuis, fortiffime regum, Materies aderit noſtris accepta Camœnis. Ecquis enim patria naſci de funere vates Gaudeat, & proprio ſua ſanguine carmina foedet?*

Quæſitum eſt autem, cum decus patriæ ſit ſcribentis Cynofura, an illius indecora facta litteris tradere ſit conceſſum? Abnuſit Jo. Ciampolus, in Proſis, diſſ. VI. ca. VI. Thucydidem atq; Ciceronem ſuggillans, ac neſcio cujus damni auctores ferens: quorum ille veteres Athenienſes, impuros pro tyrannicidis colentes, refutavit; hic toto lib. II. de Divinat. myſteria vanæ religionis riſit. Qui quidem rei & inepte, & periculose adhibet ritum illud conſultorum, *Error communis juſ facit: Liviani*



viani vero operis præfationem, in qua de fabula Martis, contra se magis, quam pro sese adducit. Nos diverso modulo metiemur, qui res patriæ ex professo narrant, ut historici; & qui in eas incidunt, aut certum ipsarum genus explicant, ut oratores. Historicum ulli parcere nefas habemus. Etenim cur inventa est historia? cur tractatur? cur *lux veritatis* prædicatur? quia scilicet res gestas pandit. Per hoc determinat eam à poëmate Cicero, in ingressu lib. I. de L. L. ab argumento & fabula Cornificius, ad Her. I, VIII. Dicit enim: *Historia est res gesta, sed ab ætate nostra* (in hoc non plane me consentientem habet) *memoria remota*. Ut cum ceteræ dotes, quas requirunt, eloquentiam dico & iudicium, in historia τὸ εὖ εἰρᾶν præstent; veritas sola ad τὸ εἰρᾶν faciat. Quomodo igitur sustinebit hoc nomen, quæ sciens vel non gesta, vel aliter gesta docet, vel gesta etiam non docet; i. e. mutat aut mutilat? Nempe historia, ut sentit ille, *est religiosa orationis sub testibus fides*: nec plus ei, quam iudici, licet, qui omnium caritatum negligens, merita sola ad libellam revocat.

Quid, quod eadem non tam patriæ scribitur, quam universo? Negabunt gentes, justum esse privilegium, quod ipsarum jura minuat. Id adeo hic fit; non tam quia libertatem judicandi, quam nonnulli statuunt, ipsis eripiat falsitas significationis; quam quatenus salubri



defraudantur exemplo. Nam super alia, quæ hinc existere possunt, commoda, omnium fere interest, ipsius etiam patriæ, intacta non esse scelera & errata. Sed omnino in hoc negotio sequentia cautionis momenta teneamus. Primo consulendum iudicium, an ergo sit pretium talia referre, & secus credita destruere. Tum deinde gravi examine veritas est limanda. Neq; ingenii ostentatio, aut iræ fervor, sed communis utilitas verum exprimat.

Deniq; reverentiæ erga patriam memor sit oratio, i. e. (ut Gellio, in re simili diserto, utar interprete) *lenis & verecunda, ac sine detestatione nimia, sineq; opprobrotatione acerba reprehensionis*. Qua fine colores admiscere historicum non vetem. Ast meminisse oportet, quosdam ex his rem infuscare, ac lectoris animum à sensu veritatis auferre: quas præstigias exterminari velim, atq; ad sophistas ablegari. Similiter hi, qui rem fatentur quidem, sed falsis sententiis instruunt (quod quid aliud est, quam lutum luto purgare?) cum historici gravitate pugnant. Eos vero, qui *περίσσεια* aliquam laudis aut veniæ capacem occupantes, aut figuram oratoriam, quæ lectori non verveci se facile prodat, ingeniosa pìcate accersentes, factum ornant, minime reprehendo: qui præsertim exemplis optimæ notæ scriptorum defendantur. Ita Corn. Tac. H. IV, XLIV. *priorum tempo-*  
*rum*



*rum necessitates* memorat: quod explanat Cl. Bœcl. de Amnest. p. DC. At vero quos institutum non cogit ulla vel quælibet patriæ facta persequi, nō colorare modo fœdiora cum historicis, sed suppressere possunt ac debent: fallere quidem non debent, nec oratores ipsi aut poëtæ. Quare igitur Cicero non tacuit, quæ taceri, ipso arbitro, intererat patriæ? quia philosophus excutiebat rem communem, veritatem: quia nec turpe hoc patriæ, nec damnosum judicabat. Doctis enim (ut aliunde colligas) scribebat, non vulgo: quod nec redimebat scripta philosophantium, quippe inops; nec perlegebat, quippe rude & incuriosum. Fac tamen perlegisse: id quoque damnosum negat ipse Cicero, cuius ἀπολογία, admirandam sane, ex dicto libro subjiciam: *Nam ut vere, inquit, loquamur, superstitio fusa per gentes oppressit omnium fere animos, atq; hominum imbecillitatem occupavit: quod & in iis libris dictum est, qui sunt de natura deorum, & hac disputatione id maxime egimus: multum enim & nobismet ipsis, & nostris profuturi videbamur, si eam funditus susculissemus. Nec vero (id enim diligenter intelligi volo) superstitione tollenda religio tollitur: nam & majorum instituta tueri sacris caerimoniisq; retinendis, sapientis est; & esse præstantem aliquam aternamq; naturam, & eam suspiciendam admirandamq; hominum generi, pulcritudo mundi ordoq; rerum cœlestium cogit confiteri. Quamobrem ut re-*



ligio propaganda etiam est, quæ est iuncta cum cognitione naturæ: sic superstitionis stirpes omnes elidendæ sunt. Instat enim, & urget, & quocunq; te verteris, persequitur. Mitto, quod arcano consilio extudisse Deus ethnico videtur sublimioris sapientiæ secretum: ut hoc alii testimonio, nec tantum hi, qui plures uno, sed & qui nullum Deum (rem multo magis incredibilem) credunt, promptius & revincerentur & confunderentur.

Nunc post pacis operas, bellicas quoq; percurreremus: nam & has deberi patriæ, mille in locis sapientes profitentur. Digna Hectore sententia, Iliad. XII. quam & alibi poëta repetit: εἰς οἰωνὸς ἀγίστοσ, ἀνύκεται πρὸς ἄλλοσ. Qua voce & fortitudinem suam indicat, & pietatem plusquam ethnicam: nam & gentilium auguria obscurat, & divinam interim voluntatem de patria propugnanda magnifice declarat. Idem deniq; dicit, quod in II. de Divinat. philosophus Romanus: *Virtutis auspiciis est utendum, quæ vetat spectare fortunam, dum præstetur fides.* Ceterum ut sumenda esse arma pro iusta vel ambigua patriæ causâ satis constat; ita quid palam iniusta experat, incertum. De quo hæc mea est sententia: satellitem scelerum esse, non licere; nec tamen eo minus, ut vel nocenti patriæ succurramus, pietatis ac prudentiæ esse. Eius rei causam repeto à natura belli: in quo si pœna crimini perpetua talione æquaretur, quod dicerem,

rem,



rem, non haberem. Nunc fere gravius est remediis, quam delicta sunt, *nec sat rationis in armis*: neq; moribus duntaxat infinitum sibi jus arrogant, quos iusta armavit ira; sed reperti etiam ex viris doctis, qui hanc licentiam legi naturæ adscriberent. Quidni igitur amator patriæ inæqualia, quantum in se, redigeret ad æqualitatem, opponendo hosti, si is potentior, vires suas; si debilior, moderationem; si par, fortunam?

Interim legibus quibusdam, velut septo, hoc negotium includi nihil moror. Principio enim abhorrendum animo patriæ facinus: præterea & ante, & in bello ad satisfactionem persuadendam opportunitas nulla dimittenda: secundum hæc ab omni nimio rigore temperandum, ita ut scuto potius, quam telo, uti videre, neq; adeo offendas, nisi cum offensio defensionis rationem induit. Exemplum præbet Æneas, illud specimen pietatis, cujus dextra in bello Trojano (quod in halosin desiit) si fides carminibus, neutiquam torpebat: causam tamen nec comprobavit, & dissuasit, apud Dictyn Cret. l. II. Inde est, quod etiam tales ob fidem hostibus laudantur: sicut Romanos, illos quidem callide, ad Hannibalem dixisse refert Justinus, XXXIV, IV. *Non bella eum Romanorum magis odio, quam patriæ amore gessisse, cui ab optimo quoq; etiam spiritus ipse debeatur. Has enim publicas inter populos, non privatas inter duces, bel-*  
landi



*landi causas esse.* Quod autem posui, prætentandam serio conciliationem; id omni in bello, etiam justo devotus patriæ servabit; maxime in civilibus, quæ sunt ὁδὶναι patriæ, parturientis regnum aut excidium. μακάριοι (dicit Salvator, Matth. V. comm. I X.) οἱ εἰρηνοποιοί· ὅτι αὐτοὶ υἱοὶ Θεοῦ κληθήσονται. Quare igitur audio, bella, bella in ore tam sæpe esse his, qui consilio principes regunt? O boni, itane in vobis *Servit amor ferri, & scelerata insania belli?* ad quam perpelli ut posset Virgili-  
 anus ille Turnus, Alecto inferis sedibus excitanda erat. Augustum principem *ulli genti sine justis &* (attende) *necessariis causis bellum intulisse*, negat Sueton. Aug. XXII. Idem in Hadriano laudat Pausan. l. I. Non hi, amabo, pudorem incusserint nobis Christianis? qui sæpe tanto rerum hominumq; periculo dominationem nobis asserimus. Sequamur itaq; oraculum Gerhardi, Aphorif. Theol. XXI, LVI. & LVII. *Omnia prius experiri, quam arma capere, magistratum decet: nec nisi extrema necessitate reip. id exigente ad bellum accedat; perinde ut medici ad ustiones & sectiones. Ut pecunia* (ita prosequitur ex Lud. Vive) *nostro arbitrio aleæ exposita, ilico alieni sit juris: ita magistratus & tota ditio in sortem eventus conjicitur, moto bello.*

Quod si nullus recomponendis animis locus, auxilium, quale & quantum potest, admovendum patriæ.  
 Nocet



Nocet enim, qui tali rerum facie non prodest: parq; est injuria damnum inferentis, & non propulsantis. Et quidem admovendum per tempus, *dum distinet hostem Agger murorum, nec inundant sanguine fossæ: ne fiat, Dum deliberat Roma, perit Saguntus.* Proditioni scilicet affinis est cunctatio. Gratis etiam, si res familiaris patitur, publica exigit, militandum. Quanquam (verba sunt Cicer. pro Balbo, quæ sequuntur) *pro sua patria pauci post genus hominum natum reperti sunt, qui, nullis præmiis propositis, vidam suam hostium telis objecerint.* Nec mors ad ultimum, si ita res ferat, subterfugienda: quem locum tractant Rhetorica ad Herenn. IV, XLII. & XLIII. Cic. I. de Off. non veritus est pronuntiare: *Pro patria quis bonus dubitet mortem oppetere, si sit ei profuturus?* Erudite conditionem addit: qui enim (ut pleriq;) iracundia, gloria, stupore incitatus in mortem ruit, non patriæ vitam consecrat, sed sibi.

Itaq; consumpta virtute fugam petere licet, atq; adeo oportet. Quo dirigitur oratio L. Lentuli, descripta Livio, IX, IV. Prohemium igitur Lacanæ, quæ in filium, expugna reduecem, laterculum jaculata, occisis reliquis supervivere eum noluit: quod dignum tamen putavit memoria Plut. apophth. Spart. &, qui versibus excepit, Marullus, Epigram. l. II. Nulla est fortitudo, sine prudentiæ contubernio. *Animus paratus ad periculum, si sua*  
H
cupi-



*cupiditate, non utilitate communi impellitur, audacia potius nomen habeat, quam fortitudinis.* Cic. ex Platone, Off. I. Hinc apud Ægyptios in templorum vestibulis ponebantur Sphinges, ut ex Strabone scimus: quod *εἰσογλυφικὸν* fuisse prudentiæ robori copulatæ, docuit nos Synes. de provid. Nimirum per omnes virtutes, ut iustitia, ita fusa est prudentia: cuius ob id prudenter in finitione virtutis meminit Aristoteles. Igitur cum ex officio faciant, qui pro salute publica mortem excipiunt; quale *μαρτύριον* illos consequi dicam, qui contra patriam stantes occumbunt? Sane, me iudice, nec miles iverit contra patriam nisi servandi, quam lædendi animo; nec dux., ut eat, subegerit: quanquam admittere volentem potest. Finge tamen subigi me; quod accidit T. Quinctio, apud Liv. VII, XXXIX. quid tum fecero? non periturus sum potius, quam perditurus? Immo Quinctii prudentiam æmulabor, qui trahentibus paruit, sed quomodo? Jam primum non erat *voluntate quicquam facturum*, nisi *vim adhiberi ac metum placuisset.* Ad hæc, ita se parabat, ut *suo magis impetu, quam consilio ducis*, omnia gererent. Quid amplius? occasione pacis oblata; & factis, *plenus lacrymarum*, & verbis efficacissimis furentes commitigavit.

Postquam indicavi, quemadmodum patriæ invirem corpore atq; animo, de fortunis quoq; subjungam.



gam. Namq; & hæc extraria bona, quæ civitatis beneficio tenemus (velut pecunias, aut quæ pecunia æstimationem) prodigere civitati, si opus est, oportet; sin minus, decet. Quo referamus, qui se in ultimis voluntatibus memores patriæ probarunt, exemplo Procli philosophi: is enim μετὰ Ἀρχιάδαν ταῖς πόλεσι κατὰλέλοιπε κλήματα, παρίδωκε τῇ ἐαυτοῦ, καὶ ταῖς Ἀθῆναις; quod Marino credimus. Imitatus ille, de quo Scævola, l. C I. π. de Legat. III. dignus sane, qui in tam illustri positus monumento, perpetua sæculorum admiratione celebraretur. Digni vero & hi, qui bibliothecarum, armorum, & si qua plura vel utilia, vel voluptuosa, heredem scribunt patriam: quo factitando sapienter & merito gradum ἀξίας, in quo constituit ipsam natura, intuentur. Ideo recte *legata incerta circa locum, reducuntur ad certitudinem, ut locus patriæ & domicilii intelligatur.* Card. Tuschus, conel. CXXXIII. Laudabilia hæc: illud necessarium, ut exhaustum fiscum privaris opibus sublevemus; moniti memorabili facto Agesilai, de quo in Vitis excell. imp. XVII, VII. Eum si sequi cupimus, quibuscunq; rebus tempestive, & ultro, & laboriose, & copiose, & frequenter, nobis interim inopes, juvemus patriam necesse est.

Nec facultates modo, sed, quod *alterum patrimonium est*, ut nonnemo veterum habet, generoso inprimis,

H 2

hono-



honorem etiam patriæ impendamus. Intelligo, quam durum sit, quod postulem. *Inventi multi sunt* (ita Cic. Off. I.) *qui non modo pecuniam, sed vitam etiam profundero pro patria parati essent: iidem gloriæ jacturam ne minimam quidem facere vellent, ne rep. quidem postulante.* Quod exemplis Callicratidis, ex Xenoph. ἐλλν. α. & Cleombroti, ex ejusd. ἐλλ. ζ. amplius demonstrat; opponens illis Q. Maximum, de quo Ennius: *Unus homo nobis cunctando restituit rem: Non ponebat enim rumores ante salutem.* Ergo postq; magisq; viri nunc gloria claret. In hoc vere maximi ducis factō, & vel magis in poëtæ verbis, ingentis solatii materiam inveniunt, quos in similem casum fortuna refert. Neq; enim infamiam, quæ, item ut testimonium, ex bonorum judicio pendet, excepisse cunctatorem dicit, sed *rumores*: qui quid sint, finit, indeq; elevat, alius poëta, de I V. Honor. consul. Vult hoc panegyrico Claudianus sphæram quandam effingere philosophiæ moralis & civilis, & sub Theodosii principis nomine, prudenti ac modesta prosopopœia, Honorium filium erudire: quamobrem inter alia *rumores* ita suadet despicere: *qui talia curat, inanes Horrebit strepitus, nulla non anxius hora.* Ecce, strepitus inanes vocat; qui solida destituti veritate, facile, bullæ instar, vanescunt, atq; accessum dant veræ gloriæ: quod diuturnitatis nomen est, Enniano versiculo non omissum. Honorem



norem ergo qui pro patria amittit, non amittit, sed amittere videtur, idq; ad tempus, & hac lege atq; omine, ut majores inde vires acquirat. Ideoq;, quod *gloriae jacturam* hoc loco populariter vocat Cicero, emendat in Catil. I. ubi Φιλοσοφικῶς λέγειν: *Hoc animo semper fui, ut invidiam virtute partam, gloriam, non invidiam putarem.*

Dixi de his, quæ communiter patriæ sunt præstanda: nunc me singulæ ejus partes vocant, ut constet quodammodo, quid personis civitatis, quid rebus debeatur. In personis prior se offert ipse populus: cui, quod personæ rebus sunt excellentiores, non raro soli se communicat patriæ nomen. Quare in libello, qui adscribitur Thomæ, de regim. princ. III, IV. mistim usurpatur ab explicante, nomen *patriæ, reip. populi, multitudinis, communitatis*. Inde est illud, non esse in parietibus patriam. Tamen si vero de toto maxime loquimur, sæpe tamen habendus pro patria numerus populi major, secundum hoc Prudentii: *in paucis jam deficiente caterva Nec persona sita est patriæ, nec curia constat.* Interdum etiam pauciores, ut concilium optimatum, aut singuli, ut reges, vicem populi, atq; adeo patriæ, sustinent: quoniam his populus voluntatem suam pacto tacito aut discreto ita summisit, ut publica ipsorum acta pro suis haberi velit. Propterea Naso ad Augustum, Tr. V, II. *o patriæ per te florentis imago!* Quod pluribus expressit, de



Pont. II, VIII. *Hunc ego cum spectem, videor mihi cerne-  
re Romam: Nam patria faciem sustinet ille sua.* Nisi forte  
ingeniosissimus laudator hoc dicit, in fronte Augusti  
conspiciam esse Romanam illam majestatem & decus.  
Quid autem imperantibus, eorumq; vicariis, uti & sin-  
gulis privatorum dandum sit, alii fere perscripserunt. In  
præsenti igitur solum de jussis principum inhonestis, &  
quidem ἐν ὑποθέσει, accipe.

Notissimum est ex Spartiano & Victore, Papinia-  
num jussu non excusasse fratricidium Caracallæ, cum  
verbo: *Haudquaquam pari facilitate velari parricidium,  
quæ fieret.* Displicet hoc Bodino, de Rep. III, IV. quem  
præter alios infectatur Grot. in not. ad J. B. II, VII, I.  
quasi *Papinianum reprehenderit, quod mori, quam consci-  
entiam ledere, maluerit.* Sed, ut ego rem video, bipar-  
tita quæstio est: an J. C. recte detrectaverit imperium,  
&, an prudenter dicto tam acerbo perstrinxerit tyran-  
num. Prius, & meritissimo, ait Grotius: nam profecto  
mos geri quamlibet principi nullo modo potuit. Excus-  
are enim flagitia, quid aliud est, quam consensu appro-  
bare? Jure igitur idem Grot. inter hos, qui in partem de-  
licti veniunt, edit, *qui consilium dant, laudant, assentian-  
tur*, J. B. & P. II, XVII, V. & II, XXI, I. Et de quo  
tandem flagitio agebatur? quo nullum tristius, de par-  
ricidio: unde *asperriimum crimen* (τῆς χυδαίου ἀμαρτίας)  
The-



Theophilo) dicitur Imperatori, §. VI. J. de publ. jud. Id excusaret, quæso, Papinianus, illud oraculum veritatis, ille juris antistes? Obtemperaret sobrius insano, dignationemq; suam vili macularet obsequio? Quid? qui concordiae suasor hætenus extiterat, se ipse redargueret, laudaretq; in Cæsare, quod totiens in aliis prædamnaverat? Innocentem accusaret, mortuo obtrecteret, i. e. ut ipse interpretatus perhibetur, *aliud parricidium committeret?* & hoc in curia, templo bonæ mentis & justitiæ, in tot gravissimorum senum consessu, ante aram alicujus dei? minime gentium; etiamsi factum commendasset publica salus. Nunc autem illa vel maxime reclamabat. Excusare enim scelus, est dicendo efficere, ut scelus non esse, vel non tantum videatur: quæ pestifera est persuasio, & ad licentiam peccatis dandam comparata. Nam qui elevat, suadet, eo quidem efficacius, quo est dignitate, gravitate, sapientia conspectior. Inprimis autem tyranno illecebra peccandi fuisset successus. Semel deliquit Caracalla? iterum potuit: semel iussit excusationem? potuit bis ac sæpius. Objiceretur enim repugnantibus: leviora excusa, qui colorem omnium gravissimis dedisti. Quantum per hoc vir incomparabilis auctoritati, innocentiae, fidei suæ derogasset? non apud tyrannum modo, sed & alios, novo reip. malo. Deniq; ut verbo me expediam, mentitus esset: cujus rei vis omnis in eo est, ut noceat.

Nam



Nam in hoc recedo paullisper ab eruditis, qui mendacium ac veritatem aestimant ex jure quodam intelligendi aliena & judicandi, concesso nobis à natura cum ipso intellectu ac judicio, aut etiam (dissentiant enim) orto ex tacito quodam pacto. Certe πολυπραγμοσύνη, ac non jus est, intelligere velle, quæ à rationibus tuis sint aliena, juxta illud pervagatissimum, *Tua quod nil refert, percontari desinas*. Itaque planius forsitan, atque ad omnes nodos explicandos accommodatius dixeris: juris naturæ vocem esse, *Neminem ladas*. Lædere autem vel vi possumus, vel fraude, quæ & ipsa vis quædam interna est, quam judicio impediendo, quasi arietem, admovemus: hæc alias nudis factis tenetur, alias verba in subsidium vocat. Si quis ergo orationis falsitate damno alterius (quo & irrisionem comprehendo) præludat, eum mentiri judicabo: ut quidem anima hujus criminis, quæ verbis quasi corpore continetur, sit dolus malus, cujus interdictio est fundamentum veritatis. Proprio igitur appposito, *mendacium in damnum potens*, dixit vates.

Jam (ut domum redeamus) mendacium hoc primum & τραγικώτερον quot aliis minutis regendum erat, ut placeret parricidium, ac tyranno satisfaceret? Ex his enim deligendum alterum erat: aut mentiendum gnauiter, aut contrahenda offensa, & hinc malum, tanquam



quam velato capite, expectandum. Subscripserunt huic sententiæ, præter Grotium, Jac. Lectius, Orat. de vita & script. Papin. Bernegg. ad Justin. XVI, I, IV. Besold. de arcan. rerump. c. I. & in Papinianeâ securi: qui objurgat è contrario Wolsæum Cardinalem, excusantem Pontifici incesta & divortia Henrici Angli. Etiam Marinus, nominatissimus hodie apud Italos poëta, illud *juris asylum & doctrinæ legalis thesaurum* his complorat, in opusculo, cui titulus, *La Galeria*:

*Perch' io scusar non volli*

*Del parricidio tua l'empio peccato,*

*Facesti del mio sangue i sassi molli,*

*Tiranno dispietato.*

*Ma se ben tu di spada iniquo, e rio*

*Mi dannasti à morire,*

*Tronco fù di secure il capo mio;*

*Perche colui ferire*

*Spada ingiusta non seppe, nè deuea,*

*Che la resse sì giusta in man d' Astrea.*

Sed aut ego, aut acumen illud, ex historia depromptum, non nihil est obtusum: quod non minus secures, quam gladius, justitiæ deserviunt, quamvis hodie gladius illi maxime per *μετὰ τὴν πύλιν* appingatur. Interim, ne pietate cuiquam cederem, ingentis viri memoriam hoc epigrammate consecrare destinavi:

*I*

*Quis.*



Quisquis se genio potentiorum  
 Aptans, justitiam manu maligna  
 Dispensat, videat Papinianum.  
 Is vitam citius dedit tyranno,  
 Quam sacræ Themidi neganda verba:  
 Et, tanquam reus esset ipse cadis,  
 Sparsissetq; Getæ cruore matrem,  
 Errantis tulit impetum securis.  
 Sed sanguis tamen hoc fluens ab ictu  
 Prolixum peperit decus beato:  
 Quod prolixius hoc potest videri,  
 Exemplo quoniam caret secundo.  
 Multos secula jurium peritos,  
 Unum sed tulerunt Papinianum.

Justus igitur ille, qui injusta mandata recusavit: sed  
 Bodinus, aut me omnia fallunt, de recusandi modo  
 agit, quem admirari Lectium, J. C. doctissimum, miror.  
 Desinerem autem mirari, si constaret prævidisse Papini-  
 anum, exitium sibi, ut dissimili morum principis, ut ve-  
 rendo, ut concordiae fautori, etiam extra hoc parari, i. e.  
 nulla modestia deliniri scævientem potuisse: quo quidem  
 & τὸ εὐχὸς, & Spartiani Getæ pæne ducunt. *Post hæc*  
 (ait scriptor) *deniq; & Papinianus, & multi alii interemti*  
*sunt, qui vel concordie faverant, vel qui partium Getæ fue-*  
*rant.* Id si non prospexit, male utiq; facto adjecit dictum  
 adeo



adeo mordax, vehemens, abruptum: quod si jactum fu-  
 isset in non principem, tamen fortasse non cupide ap-  
 plauderem. Priscæ veritatis verbum est, siue Andocidæ  
 imputandum, siue Pythagoræ, *Πῦρ μαχάρις μὴ χα-  
 λέυσιν*. Ira enim, ut olim flamma, non ibi consistit, un-  
 de cœpit: evagatur, & proxima quæq; incendio invol-  
 vit. Hinc & Calistæ, quos vocant, ad correptionem  
 fraternam exigunt, non modo *notitiam peccati*, & *spem*  
*fructus*, sed *opportunitatem temporis*, quæ spem ipsius  
 fructus auget; itemq; *condimentum mansuetudinis ac leni-*  
*tatis*, ex Ep. ad Gal. VI, I. & ad Tim. II, II, XXV. Quo  
 majoris erat imprudentiæ, rerum potentem, sui impo-  
 tem, & cum ingenio, quamvis dissimularet puer, tum  
 recenti flagitio ad effundendum sanguinem duratum,  
 amaris dictis lacerare, i. e. furialibus facibus in se pariter  
 & remp. armare. Eheu, quid vis tibi, miser? *floribus Au-*  
*strum* (huic enim assimilat potentes Sen. Ep. XIV.)  
*Perditus, & liquidis immitris fontibus apros*. Non venire  
 in mentem tibi Platonis? qui Ep. VII. ad Dionis pro-  
 pinquos scribit: *Hoc eodem animo erga patriam suam af-*  
*fectum vivere prudentem virum oportet*. Dicere quidem,  
*si quid non recte administrari ei videatur; sed ea lege, si fu-*  
*turum putet, ut ne q. frustra dicat, neq. dicendo vitæ peri-*  
*culum ineurrat*. Quod fit, si frenis leniter motis furen-  
 tem leonem flectas. *Sciant igitur, quibus moris illicita*



*mirari, posse etiam sub malis principibus magnos viros esse; obsequiumq; ac modestiam, si industria ac vigor adsint, eo laudis excedere, quo pleriq; per abrupta, sed in nullum reip. usum, ambitiosa morte inclaruerunt.* Retuli verba Corn. Taciti, ex Agr. XLII. Quanquam non ambitioni, sed *Ζηλω* justitiæ (nam secundum illud Publianus, *Bono justitiæ proxima est severitas*) Papiniani factum assignamus, eaq; ratione facile condonamus: quod fecit etiam Bodinus, cum fortiter dixisse hominem divinissimum confiteretur. Sed nescio, quo pacto Gallus iste fere omnium obelos, & in omnibus, experitur: sive hoc quasi fataliter quibusdam evenit, sive eadem ratio ipsos premit, quæ argentarios; qui ubi semel & iterum de mensa surrexerint, semper eorum timetur fides. Ita Grotius eodem loco in eundem incurrit, tanquam defenderet naufragorum bona fisco addicentes: cum alia omnia legantur, lib. I. de Rep. cap. X. pag. CCLXVII. De personis quidem hætenus.

Res patriæ vel sunt corporales, ut ædificia, agri, limites; cujus loci est liberalitas Eumenii, in schola restauranda, quam oratio ejus de hoc argumento promulgat: vel incorporeales, ut nomen; quod acceptum à patria modis omnibus venerari & exosculari convenit. Inde Germani (testor Tacitum, H. IV, XXVIII.) *infestius in Ubiis pradas agebant, quod gens Germanicæ originis, ejura-*



*ejurata patria, Romanorum nomine Agrippinenses vocaretur.* Qua notabili majorum religione & exemplo monitus, patriam urbem malim ex Antonino *Regium*, aut ex tab. itin. Velscriana *Reginonem*, aut *Reginum* ex Aimon. *Reginam civitatem*, *Reginoburgum* (licet à *Reginobirga* derivet *Aventinus*) *Germanisbemiū*, *Ratisbonam*, ex diplom. & annal. Franc. & Fuld. aliisq; (nam *Imbriopolis* heri natum, & ineptum, & hybrida) quam cum veteris opprobrii nota, *Augustam Tiberii*, vel, ut habet Imp. Notitia, *Regina castra* salutare. Etsi in nominis inani sono momentum haud adeo magnum, nisi ab animo utentis aut alicunde aliquod accedat, inesse fateor.

Ad nomen, etiam mandata patriæ devenerari, superius mandatum præcipit. Est enim juris, quod gentium primævum vocant, *ut parentibus & patriæ pareamus.* l. II. π. de J. & J. Non possum præterire nobilem Platonis locum, in Critone, quo complectitur ejus obsequii gradum, modum, materiam & causam effectricem. *Siccine sapias*, ait, *te ut fugerit, & matre, & patre, & reliquis progenitoribus omnibus digniorem esse patriam, venerabilioremq;, & sanctiorem, & in superiore sorte cum apud deos, tum apud homines mentis compotes, & colendam, & magis obsequendam, ac studiis propitiandam patriam rigidiorē, quam parentem, & aut dissuadendum,*



aut agendum, quicquid jusserit, ac patiendum patienter, si  
 quid pati imperaverit? Et seu verberari, seu vinciri coege-  
 rit, siue in bello sauciari, aut necari, faciendum. Jus enim  
 ita statuit: nec tergiuersandum, nec fugiendum, nec dese-  
 rendus ordo: sed & in bello, & in foro, & ubiq; exequen-  
 dum, quod injunxerit civitas atq; patria: aut certe per sua-  
 sionibus, quatenus licet, occurrendum. Sed vim opponere  
 neq; matri, neq; patri fas est, minime vero omnium patria.  
 Juri igitur naturali, etiam civili Romanorum, obsistit,  
 qui obsistit patriæ, ad publicum munus vocanti, quo  
 præsertim dignus sit: nam civem patriæ utilitatibus, qua-  
 tenus potest, aufert, cum ipse, tum pater, qui reluctatur.  
 l. III. §. V. Dig. de mun. & hon. Favet huic rationi sena-  
 rius Syri mimographi: *Exsilium patitur, patriæ qui se de-  
 negat.* Dictum Platicum, in epist. quad. ad Archi-  
 tam, *ἐκαστος ἑμῶν ἐχ' αὐτῶν*, decantatissimum est; con-  
 versum quoq; Ciceroni, Off. I. & strictim, de Fin. II.  
 Imitatur liber ad Herenn. IV, XLIII. & Ulpian. l. I. §.  
 XV. de ventre in poss. mitt. Fluxit hinc illud Secundi,  
 de Trajano, paneg. cap. V. *Cogi porro non poteras, nisi pe-  
 riculo patriæ, & nutatione reip. Obstinatum enim tibi, non  
 suscipere imperium, nisi servandum fuisset.*

Quocirca valeat ignavum illud, & Plutarcho ex-  
 merito impugnatum, *ἀδὲ βιώσας*; siue Pythagoræ  
 sit, ut traditur à Marino; siue Neochis, fratris Epicuri,



ut vult Suidas, & cum hoc Gassend. Vit. Epic. I, VIII. Iniquus est, & lascivienti similis equo, qui, cum sentiat commoda, onera succussat. Ne quis autem roget, an hæc illos quoq; attingant, quos vel mentis corporisq; habitus, vel fortuna impares reddit subeundo oneri, prævertendum ultro mihi sentio. Excusabimus igitur vocanti patriæ indignitatem. Non audit excusantes? relinquitur ergo, ut nos illam audiamus, ut insumamus patriæ, quod valemus; quod non valemus, fide & industria suppleamus. Epictet. Enchir. XXXI. Τίνα δὲ ἔξω, Φησὶ, χάσαν ἐν τῇ πόλει; ἢν αὖ δύνη, φυλάττων ἅμα τὸν πισὸν καὶ αἰδήμονα. Nam locus quidem Plinianus, quem modo attuli, argumento servit, atq; ad modestiam principis extollendam natus est. Querat, aut queratur alius, se ampliore dignum, aut potitum olim, gradu: ignominiam meditari, dum ad humiliora vocet, patria. *Majoribus honoribus functos ad minores devocari non oportere, rationis est*, ajunt Impp. l. II. Cod. quemadmod. civ. mun. induc. At sunt arma, quibus depellas ὕβρις, deprecatio, & si infirmius hoc auxilium, tolerantia, supra ex Platone commendata. Vile est, quod obtrigit, munus? tanto facilius explebis, tanto plus ornabis. Digniora accumulabit patria, si animi tui in levioribus fecerit periculum.

Postremo tantus sibi quisq; esse debet, quantus est patriæ;



patriæ; suumq; potius, quam huius iudicium damnare. Sed pleriq; adeo sibi blandiuntur, ut non tantum modestiæ, sed ne veritatis quidem modulo utentes, Hercules se putent, cum Pygmæi sint. Ex mandato etiam, sed tacito agunt, qui desertas reip. partes, quibus se aptos inveniunt, licitis modis, ac vel prensando, ultro ambiunt. In quo id iustitiæ est, ut indigno competitori pectus, digniori terga obvertamus: æque digno certare, honestum est, cum sibi quemq; natura maxime commenda- verit; cedere, etiam generosum. De reliquo expectan- da patriæ sententia, curandumq;, ut ea secuta ἐκαστος ἐκ- πηλώσῃ τὸ ἐαυτοῦ ἔργον.

Præcipuum autem mandatorum reip. genus sunt leges, quibus si volumus obsequelam facere, quam de- bemus, sedulo eas pernoscamus, posthabitis alienis aut exoletis. Crassus apud Cic. de Orat. I. *Ac si nos, id quod maxime debet, nostra patria delectat; cuius rei tanta vis est, ac tanta natura, ut Ithacam illam in asperissimis saxu- lis, tanquam nidulum, affixam, sapientissimus vir immortalitati anteponeret: quo amore tandem inflammati esse debe- mus in ejusmodi patriam, quæ una in omnibus terris domus est virtutis, imperii, dignitatis? cuius primum nobis mens, mos, disciplina nota esse debet; vel quia est patria parens omnium nostrum, vel quia tanta sapientia fuisse in jure con- stituendo putanda est, quanta fuit in his tantis opibus im- perii*



*perii comparandis. Easdem cognitās & probatas ore, ftilo, fanguine defendamus, nec temere mutemus, & virtutes his præceptas effufis brachiis stringamus. Doceat hoc nos Hierocles: Oportet autem, inquit, etiam leges patriæ, tanquam alteros deos, obfervare, & fecundum ipfarum præfcriptum fe perficere. Quod fi quis migrare eas, aut novare tentet, omni opera morandus, & modis omnibus oppugnandus eſt. Non enim bonum civitatis ftudium, contemptus legum, & novorum ab antiquis ſeparatio. Quare & à ſuffragiis, & à calore talis innovationis prohibendi, ſi qui contumacius id agant. Quæ cuncta non de privati modo legibus exaudiri volumus, ſed vel præcipue de hiſ, quæ deſcriptionem publici ſtatus continent.*

Ex quibus cognoscendum primo, qui juxta ipſas jure proprio, qui precario imperent; tum quid utriſq; ἀπολόμωσ conferatur; aut, verbis philoſophi, εἰς δέῃ, καὶ τίνων εἶναι κυρίως, καὶ πόσαν τινὰ δέῃ γίνεσθαι τὴν ἀρετὴν αὐτῶν: idq; eo, ut ſuum cuiq; tribui poſſit. Sed hæc ut quemlibet ſibi ſapere oportet, qui boni civis laudem affectat, forte etiam amicis; ita publicis ſcriptis agitare ſæpe intutum, arrogans, & concordie inimicum, prudenterq; interdum ab ipſis legibus reſpreſſum. Illud nemo reprehendat, ſi factis ſilentio opertis, fontes rationum, quibus ſententia exploratæ veritatis inſiſtit, & quaſi pars prima ſyllogiſmi, tanquam à fideli doctore,

K

non



non tanquam à supercilioso iudice, explicentur. Verum paucis in explicando ea modestia, in explorando prudentia est: modici enim hodie philosophiam civilem, ejus præsidium hæc maxime invocant, ex ipsius mente & voto colunt. Ejus rei fidelissimum est indicium, quod de Germaniæ statu tot sententiæ, quot reip. fere genera: id quod vix ulli præterea imperio accidit.

Sunt, qui unum, sunt, qui optimatibus subesse jurent: alii mistam ex omnibus, alii ex duobus generibus, non dubitant; sed utrum prægraver, novo dissidio ambigunt: temperamentum & aliquibus placuit: & tamen est sententia, omnibus his adversa, quæ id, quod imperium vocari est usitatum, ex pluribus pusillis rebus, arctissimo nexu in unum *ὕμνα* colligatis extruit, & propter hoc *ἀναλογία* magis, quam verum civitatis nomen, ei concedit; à qua non abhorre credas Thuanum, lib. II. hist. Ejus fere modi resp. Acarnanum, Lyciorum, Ætolorum, & maxime Achæorum; quam Ubboni Emmio ex Polybio, Livio, Pausania, Plutarcho, breviter cum reliquis descripram, nostris versandam diligenter putem. Noscenda igitur hæc jura, & interpretanda imperitis, quoniam quidem ob id scribuntur & publicantur; sed quatenus communi utilitati, cui leges ipsæ destinantur, satis est; & eam ad finem, ut amplectamur & servemus,

Eorum



Forum autem, qui publica patriæ jura male conser-  
vant, duo maxime sunt greges: quorum alter importu-  
nus magis, quam damnosus; alter minimo latratu ma-  
xime mordet. De illo sunt, qui morosi temeritate judi-  
cii in transversum acti, imperii patrii formam palam fa-  
stidiunt; sive quo sapientiores videantur, sive proprii  
commodi studio, vel deniq; ingenio hominum, nova  
ferme præoptantium. Ita qui sub regno agunt, liberta-  
tis bona & legum imperium prædicant; qui in libertate,  
regali splendore capiuntur. Nobiles mallent imperium  
singulare, honesti optimum, proletarii promiscuum:  
& sub imperio singulari his electio, illis successio, pau-  
cissimis id, quod sacratissimis legibus, placet: neq; incom-  
moda, quæ ubiq; emergunt ingentia, nec tempora gen-  
tisq; indolem respiciunt; illius quoq; obliti, quod  
ἐὺ γινώσκων, ὁ μὴ λυπᾶμενος ἐφ' οἷς μὴ ἔχει, ἀλλὰ χαί-  
ρων ἐν οἷς ἔχει. Est porro alia natio eorum, qui callida  
ambitione, semperq; cum læsæ majestatis crimine con-  
juncta, jura non data in se trahunt. Sicuti sub unius im-  
perio aliquos aliquando videas, arcanis imperii incu-  
bantes, & obsequii specie dominantes: cui rei præ-  
textum sæpe irreligiosissimum commodat religio. His  
merito ingeras Virgilianum illud, ex *Æn.* XI. *Cedat:*  
*jus proprium regi patriaq; remittat.* Nisi vero digitos  
amburere, quam ignem non attingere malint.

K 2

Quæ-



Quærunt multi, quid tantos toriens colossos (de ministris principum loquor) ex inopinato sternat? Quid quæritis? idem qui regibus sceptrum dedit, clanculum subtrahenti injuriam clanculum vindicat, manusq; non iniciatas sacris admoventes consumit. In statu plurimum quoq; reperias raptores alienæ libertatis lupos, & amicos monadis, *quibus ipsi patria manus inferre, & fascibus suis illam premere, potentia ac dignitas est*: de quo conqueritur irata pietas Senecæ, de Benef. V, XV. & XVI. Sed aliorum jura imminuere, & veteres turbare fines, quid est aliud, quam publicum furtum? cui nonnunquam comes est perjurium; utriusq; vero pedissequa, Nemesis. De Arminio Germanorum duce narrat prudentissimus scriptor, annal. II, LXXXVIII. *Regnum affectans, libertatem popularium (utpote Germanum Scythicumq; bonum. Lucan. l. VII.) adversam habuit: petitusq; armis, cum varia fortuna certaret, dolo propinquorum cecidit.* Quanto melius Timolcontis vestigia legisset? qui generoso exemplo (rideant licet male callidi isti) *cum frater ejus, Timophanes, dux à Corinthiis delectus, tyrannidem per milites mercenarios occupasset, particepsq; regni posset esse; tantum abfuit à societate sceleris, ut antetulerit suorum civium libertatem fratris saluti; & patria legibus obtemperare satius duxerit, quam imperare patria.* Scriptum hoc est, manebitq; æternum, à  
Ne-



Nepote, XX, l. Itaq; non erat, ut Lipsius Pol. IV, IX, XXXIV. commendaret Augustum illud, *insurgere paulatim, munia legum & magistratuum in se trahere*. Nisi forte iustitiæ res duntaxat corporales sunt subjectæ.

Atq; hic locus est differendi de spiritibus ὀλιγαρχικοῖς, quos in tanta ingeniorum diversitate nulla fere resp. libera non experitur, pro lege habentes fatale libertati carmen, Αἰεὶ ἀρετὴν εὖν, ἢ ὑπεύχον ἔμμεναι ἄλλων: de quibus post Platonem & Aristot. optime hujus discipulus, Theophr. in Charact. Pollux Onom. l. III. Salust. Catil. XX. & Or. II. de rep. ord. & fragm. hist. l. I. verbis, *Postquam remoto*. Flor. III, XII. & XIII. Caes. ad Suet. Aug. LI. (quem civilitatis, quod exponit, genus principatui aptare miror) & complures. Sed & hos à tergo pœna, damnum aut ludibrium, plerunq; sequitur: ut vere judicaverit, hoc intuens, Cicero, in primo de Offic. *Qui in libera civitate ita se instruunt, ut metuantur, his nihil potest esse dementius*. Sapiens igitur ex diverso Theognidis propositum: Παλῆϊδα κορυμνὴν λιπαρὴν πόλιν, ἔτ' ἐπὶ δῆμῳ Τρέψας, ἔτ' ἀδικοῖς ἀνδράσι πειθόμενος. Nec Phocylidem pœnitere debeat voti sui: Πολλὰ μέλουσιν ἀρετὰ μέλουσ' ἔλω ἐν πόλει εἶναι.

Et hæc omnia, quæ usq; adhuc recensui, ita vera puto, ut etiam invitæ patriæ (nisi coactio ipsa valde sit



luctuosa) debeant reddi; utiq; si hoc non facto ruinam, aut certe non mediocre damnum passura videatur. Et si enim, si jus summum spectes, renitenti beneficium non datur; cum abdicare se quisq; suo jure, & alteri condonare possit: caritatis tamen lex vel compellere interdum ad beneficium admittendum jubet. Quid? si hominem telo incumbentem, aut fluvio se mergentem videam, non accurram? non, ut vivat, cogam? ut maxime ad auxilium meum excandescat, ac pro malo beneficium spernat. Quo justius in discrimine patriæ, cujus tot priora in nos merita, ponderabimus, non quid illa recipere velit, sed quid nos conferre oporteat: nec committemus, ut ratio nostra ab illius errore victa videatur. Scilicet, ut injuriæ, sic beneficia, non pendent semper ex voluntate patientis, sed honestatis norma.

Intelligo, ais, de beneficio invitæ exhibendo: quid si infuper sit ingrata? Dicam, quod sentio: ingrati ream qui facit patriam (ignoscite Scipiones, quorum dolori justo & nos ignoscimus) is, quid faciat, nescit. Est enim ingratus, qui accepti dememinit beneficii: atqui nemo, cum omnia patriæ præstiterit, quæ per vires licuit, beneficium hoc interpretari, sed officium, debet. Nequiter, inquam, aut imperite calculum ponit, qui hic accepta cum expensis ita confert, ut creditorem se dicat, aut (quod minus impudens, sed peræque falsum) debito-



bitorem neget. Injustum tamen esse dici, quod criminatur, vexat, exturbat innocentem, quod non agnoscit animum & labores tuos. De hoc ipsa viderit: tu interim ad justitiam divinæ voluntatis potius, quam injustitiam patriæ refer, & perfer potius, quam vindica. Illud cogita, *ut parentum sevitiā, sic patriæ, patiēdo ac ferendo leniendam esse.* Scilicet hoc ἐπιεικεία suadet, quæ infirmitates humanas divina sua moderatione corrigit: hoc pepigisti, cum civili te cœtui jungeres, civili animo laturum, quicquid imperantes decrevissent egissentve, nec personam eorum auctoritatemve dictis aut factis læsurum: hoc percepta tot bona exigunt, quorum memoriam una vel altera injuria, quantumvis atroci, aboleri nefas.

Bene ergo colligit Bodin. de Rep. II, V. *Justa causa nulla videri potest, adversus patriam arma capiendi.* Sed in exemplo, cui hæc accommodat, plurifariam offendit, Germanicarumq; rerum ignorantiam fatetur: quam nos jam quercum non excutimus, qui à recentibus exemplis studio temperamus. Impera igitur dolori, & cave excidant tibi voces Junii Liviani, XXII, LIX. *Redeam ego in patriam, trecentis nummis non æstimatus civis?* aut si quæ sunt similes. Nec te moveat Alcibiadis ratio: qui *prædicare consueverat* (refert Nepos, VII, IV.) *se non adversus patriam, sed inimicos suos, bellum*  
ges-



*gessisse, quod iidem hostes essent civitati. Nam cum intelligerent, se plurimum prodesse reip. ex ea eiecisse plusq; iræ suæ, quam utilitati communi, paruisse.*

Ejusmodi pigmenta & σοφὰ φάρμακα turpitudinem facti tegunt, non tollunt. Quæ de injuriis patriæ, i. e. totius civitatis, vel eorum, in quos se civitas convertit, universe disputavi, devocarunt alii ad quæstionem de injuriis principum; & in his Blondus, eques Italus, Eromen. lib. I. in ficto Thalassiae adulteratæ argumento. Et quidem eo loco duo ponit: offensiones principis injuste vindicari; egregie, si infinita polleat potestate, & si, cum non pollet, vindicta eximatur judicialis: dein, privatos injuriis à principe affici non posse; quod, nisi de harum accipias effectum, h. e. efficaci in humano iudicio actione (id quod ad priorem quæstionem redit) merito exhibilat Thalassiae conjux: tamen si ratio, quam assignat, color est, & contrarium magis firmat. Ita servum à domino injuriam posse accipere, ostendit Sen. de Benef. III, XXII. Ex his aliquatenus est perspicuum, quid patria in sese spectata indulgeri sibi postulet.

Incidit vero persæpe, ut res aliæ cum patria concurrant, quæ & ipsæ amore sui nos trahant & constringant: unde pendet animus, cum in ambas nequeat (nam hoc intelligi velim) utram in partem sit flectendum. Quapropter in aciem velut rem deducamus: quo pateat ex  
con-



conflictu, quando vel vincatur patria, vel vincat. Primum omnium illud constat, si patria consistat, cum Deo, anteponendum illum, cui patria ipsa subest; juxta dictum, μέχρι βασιλῶν. Eam ob rem, si patria, à religione sincera (quæ Dei causâ est) aliena, recte sentientes bello cetera justo petat; quiescent utiq; arma mea: ne, quantum reip. patriæ addunt, tantum ecclesiasticæ detrahant. Ego ut brachium meum commodem ei, qui destruit verum numinis cultum, & supponit fictum? ut mutilem corpus Christi, & fiam instrumentum hostis Christi? Malo neglectæ corporum salutis, quam animarum, reus agi. Plura Grotius, re & nomine magnus, de J. B. II, XV, XI.

Sed si componatur patria cum universo, utrum prævalebit? universitas certe, cujus illa est particula. Ex quo apparet, quod supra demonstravimus, historicum turpitudines patriæ nec silere, nec in virtutes transfigurare posse: ne, dum uni orbis angulo consulit, majorem partem prodat; à qua censetur auctoratus, ut religatis velut oculis infamiam sceleri, pudor; laudem reddat; cogitetq; non adulandam patriam, sed reverendam esse. Atq; hinc est, quod vulgo dicitur, fini universali reliquos cedere oportere. Illud ὁδὸς πάρεργον est attexendum: quod toti hominum genti, etiam nullo affecti singulari beneficio, obstringamur, ejus rei causas videri

L

duas.



duas. Prior numen respicit, quod per homines, imaginem suam, quodammodo colitur, Genes. IX, VI. ut dictum vere sit, *Deus propter se diligitur, & homo propter Deum*: posterior nos ipsos, quorum pars quaedam separabilis & propinquus (sint licet propinquitatis gradus) unusquilibet est homo; cum ab eadem stirpe, contra quam sit in brutis, omnes simus. Id ut ex ethnicis quidam agnoverunt, quod vel pretiosum indicat Florentini dictum, l. III. π. de J. & J. ita qui diversas diversorum origines crediderunt, velut hodie Sinenses, & qui se olim *αὐτόχθονες* gloriabantur, defensi à Pherecyde Lerio, integris libris X. sed derisi Cynico, qui cum muribus & lumbricis commune hoc eis dictitabat, & confutati Lactantio, II, XII. hi quo pacto satis intelligere potuerint humanæ consociationis jura, non intelligo.

Transgrediamur nunc ad hoc, cum quibus fiducia, quam ex corrupto, *fede*, feudi appellatione signant, est contracta. Non negabo, plurimum his deberi: at quanto plus desiderat bonorum omnium datrix patria? Ferat igitur palmam; assentientibus Feudistis, ut Vult. l. f. X. n. XXXI. Goth. Anton. Disp. feud. VII, IV. Rosenth. in tr. juris feud. cap. X. concl. XVII. num. VI. Schrad. tr. feud. part. VI. c. VI. n. LX. qui addunt, si dominus vasalli proditor sit patriæ ipsius, accusari posse à fidei; cum alioqui iudicio capitis arcessi nequeat: & patriæ domino



minio subsidium ferri oportere, adversus dominum feud-  
di. De eo tamen, quod ligium & homologum vocant,  
dubitare curiosus queat, utrumne potior ejus, quam pa-  
triæ, sit habenda ratio? Ac de altero ejus genere, quod  
Baldus *subligium*, alii analogice & respective ligium ap-  
pellaverunt, quo diserte excipitur superior, definita res  
est: alterum, quod absolute & proprie dictum demon-  
stratur, neminem excipit, quia profecto cum civili vin-  
culo concurrat; ideoq; opponi patriæ nequit. Sufficiant  
hæc in præsens de materia, quæ ignoratione civilis do-  
ctrina, & hinc scriptorum non modo inter se, sed à se  
ipsis dissensione implicata, dignum jamdudum vindic-  
cem expectat.

Deinceps cognatos amicosq; cum patria commit-  
tamus: qui omnes, verbo dicam, patriæ herbam porri-  
gunt. Quo manifestius in patriam impii, quibus pro-  
pinqvitas aut amicitia, emta præsertim, est pro merito.  
Istud quidem est, ex justitia, quam appellant, distribu-  
trice commutativam facere: quo negligentia sola aut  
ignorantia homines adduci reor. Difficile namq; creditu,  
malle quem fluxum alterius bonum propriis & æternis  
anteferre, & conferre beneficium, pro quo præmium  
cedat Tartarus. Nihil enim gravius remp. affligit, ejusq;  
harmoniam turbat, quam communis hæc & malefica  
beneficentia: ex qua (veluti ex electione indigni ad offi-



cium publicum) si damnum fecerit civitas, ad refarciendum ei tenebitur auctor; non minus quam competitori damni sui æstimationem exigere licet. Grot. J. B. II, XVII, III. Diversus ab hoc more Scipio Nasica, ethnicus: de quo Vell. Pat. II, III. *patriam cognationi præferens*. Ac de parentibus quidem, qui in hoc ordine restim ducunt, suffragatur Val. Max. V, VI. his verbis: *Patriæ majestati etiam illa, quæ deorum numinibus æquatur, auctoritas parentum vires suas subjecit.*

Forſitan moretur aliquem exemplum Perollæ, dignum ſane lectu, in hiſtoria Liviana, XXIII, VIII. & IX. Verum enimvero ſi poſt diſſenſum patris rem Perolla effectu difficilem credidit, nihil huc pertinet: ſin amore ſolo parentis fractus eſt, veniam meretur juvenis pietatis ſpecie deceptus, imitationem quidem non meretur. Dubites etiam hoc loco, an vere proditum ſit à pragmaticis, licite obtruncari patrem, aut etiam fratrem liberosve, venientes contra patriam? Card. Tuſch. præct. concl. CXXXIII. & CXXXIV. Quod conceſſerim tandem affirmantibus, ſi alia ratione & per alios occurrì certo excidio reip. aut principis nequeat. Sed cum non temere hoc eveniat, verum hætenus effatum eſt Juſtini, XVI, I. *In parricidio nulla ſatis juſta cauſſa ad ſceleris patrociniæ prætexi poteſt.* Secundas occupant liberi, de quibus Tragicus quidam ἀδελος: Φιλῶ τέκν',  
ἀλλὰ



ἀλλὰ πάλειδ' ἐμὴν μάλλον φιλῶ. *Fraterna quoque caritas*  
*(scribit rursus Valerius) aequo animo ac libenti cedit,*  
*summa quidem cum ratione: quia eversa domo intentatus*  
*reip. status manere potest; urbis ruina penates omnium tra-*  
*bat secum necesse est.* De conjugibus autem Hierocles:  
*Est & alia ratio, qua parentibus simul ambobus honore pa-*  
*triam preferre monet; neque his tantum, sed & una uxori*  
*& liberis, & universe omnibus aliis post deos.* Nec me tur-  
 bat Eustathius, apud quem Ismene ad Ismeniam l. V.  
*Tu mihi patria es, tu parentes, nuptiae, sponsus, dominusque.*  
 Et vicissim Ismenias ad Ismenen: *Amor patria, parenti-*  
*bus, fortunis, omni; beata adium supellectile carior est.*  
 Sed vel cæcus videt, amantium figuram esse: quo velut  
 rectorio fuga coloratur. Venio ad amicos: contra quos  
 patronum patriæ damus Popilium, qui in Epitome Tro-  
 gi, XXXIV, III. *faceffere privatam amicitiam jubet,*  
*cum mandata patriæ intercedant.* Quod si & de hospiti-  
 bus ambigis, Timotheum interroga, qui cum Jasone  
 hospite, populi jussu, bellum gessit; *patriæque sanctiora*  
*jura, quam hospitii esse duxit.* Corn. Nep. XIII, IV.

Suppetunt plura testimonia: sed nec res, opinor,  
 dubitabilis, neque ego locos communes vili opera molior.  
 Omnium tamen instar est, qui omnium jam dictorum  
 summam continet, locus Cic. Off. I. ubi factis gradi-  
 bus societatum, ita demum subjungitur: *Sed si con-*



sentio quadam & comparatio fiat, quibus plurimum tribuendum sit officii, princeps sunt patria & parentes, quorum beneficiis maxime obligati sumus: proximi liberi totaq; domus, quæ spectat in nos solos, neq; aliud ullum potest habere perfugium; deinceps bene convenientes propinqui, quibus communis etiam plerunq; fortuna est. Quamobrem necessaria vitæ præsidia debentur iis maxime, quos dixi. Vita autem victusq; communis, consilia, sermones, cohortationes, consolationes, interdum etiam objurgationes, in amicis vigent maxime, estq; ea jucundissima amicitia, quam similitudo morum conjugavit. Idem pressius, in calce ejus lib. In ipsa autem communitate sunt gradus officiorum, ex quibus, quod cuiq; præstet, intelligi possit; ut prima diis immortalibus, secunda patriæ, tertia parentibus, deinceps gradatim reliqua reliquis debeantur. Ciceronem sequitur, uti quidem solet, Ambros. Offic. I, XXVII. *Justitiæ autem pietas est prima in Deum, secunda in patriam, tertia in parentes, item in omnes.* Eodem nititur, sed inversa ratione, Euripidis calculus, in Supplicibus: Φιλείν μὲν ἐν χεὶρὶ τὸς Ἄφροσ πρῶτον τέχνη, ἐπειτα τοκέας, πατρίδα δ', ἢν αὖξεν χρεῶν, καὶ μὴ κατὰ ζαῖ. Hæc Euripides.

Est autem ratio hujus ordinis sita in binis legibus, natura homini inditis. Quoniam enim accidit, ut ex collisione legum, quæ Dei, patriæ, aliorumq; caritatem expolcunt, oriatur aliquando pugna, & ita, ut una de-  
ferta



ferta alteram sequi sit necesse; se ipsam interpretata est natura, cum alias duas, ex quibus definiendæ liti seligi possit una, adinvenit. Harum prior est, Pars concedat toti. In quo fere servatur ordo, quem dixit Aristoteles, ab his, quæ notiora nobis, & κατὰ τὴν αἰσθησιν, ad notiora natura, seu ἀπλῶς, & κατὰ τὸν λόγον. Hinc officiorum scalam (ut sic loquar) ita conformabimus, ut primus gradus genus humanum, medius civitatem, novissimus necessarios singulos ac sodales maneat. Alterius formula est, liberior copula cedat arctiori. Cum iis vero colligatio nobis est, quorum ad nos profectum est aliquod beneficium; & in his præcipue Deo, patriæ (quam idcirco in bonis extrariis enumerat Rhetor, de Invent. II. f.) parentibus, præceptoribus, hospitibus, patronis, ob excellentiam beneficii, devincimur; rursum in his post Deum (qui inexhaustus benignitatis fons est ac thesaurus) patriæ, ob ejus excellentiæ ἀκμὴν; si præsertim ad ordinaria, ut ita dicam, singulare accesserit beneficium. Ideo Livius, in oratione M. Junii, XXII, LIX. *Ut emini nobis jam promptioribus pro patria, quod beneficio vestro redempti atq; in patriam restituti fuerimus. Sed cum huic obligationi imperfectæ annexa sit perfecta, puta conventio, & commune naturæ de juvanda hominum societate edictum; nihil hac copula in humanis fortius existimandum est.* Commode Abr. Scultetus, Ethic.



Ethic. I, V. *Exteris jure tantummodo uno, humanitatis nimirum; cognatis duplici sumus devincti; triplici vero magistratui & patriæ, humanitatis, quia ejus societas constat ex hominibus, cognationis, quia nostrorum cognatorum salutem continet, deniq; peculiaris fœderis, quo ipsi maxime sumus obligati.*

De caritate patriæ quæ proponere institueram, finivi: cujus suavissimos fructus quotiens mecum puto, cum ipse miro ejus amore inardesco, tum alios segnius inardescere dolens, exclamo, *O fortunati nimium, sua si bona norint!* Inde enim pax & serenitas conscientiæ: inde humano in foro securitas. Quamobrem Cic. in Partit. *Aut jure factum depellitur, aut ulciscendi doloris gratia, aut pietatis, aut pudicitie, aut religionis, aut patriæ nomine, aut deniq; necessitate, inscitia, casu.* Inde omnifarii honores. Thom. Aquinas, de regim. princ. III, IV. *Amor patriæ super ceteras virtutes gradum meretur honoris: hoc autem, inquit, est dominium: quod exemplo Romanorum firmat.* Inde immortalis gloria: qualem in eo, qui pro patriâ fortiter præliatur, describit Tyræus, de virtute militari; cujus carmen utinam eam haberet in animis nostris efficacitatem, quam in concilianda Spartanis victoria habuisse creditur. Non temere Virgilius in regia Pici (cujus sub imagine basilicam depingi, sunt, qui putent) effigies collocat regum, *Martia*  
*qui*



qui ob patriam pugnando vulnera passi. Et quanta hinc utilitas? O patria, si te, quotquot hoc habitant solum, Pariter amarent, ut ego, nos feliciter Ageremus, & tu nulla patereris mala. Ita vere & gloriari, & polliceri mihi liceat cum Euripide, ex versione Grotii, Exc. Trag. & Com. p. CCCLXXXVI. Nimirum quicquid patriæ prodest, singulis etiam partibus est commune: Totum est enim nullum sine partibus; quod ait, & exemplo manus ac digitorum illuminat Hierocles. Sed quid fugientes loquor utilitates? cum profecto constet, gentibus etiam, omnibus, qui patriam conservaverint, adjuverint, auxerint, certum esse in cælo ac definitum locum, ubi beati ævo sempiterno fruuntur. Cic. Somn. Scip. Post Philosophum inculcat hoc Poëta, Æne. VI. dum in Elysio domicilium assignat assertoribus patriæ, Catilinis atque proditoribus (in quo secutus videtur ultima verba Catilinariæ primæ) in Averno.

Ergo (ut cludamus hunc tractatum loco Tulliano, ex Officior. dicto sæpe libro I. qui totum prope argumentum in summam colligit) quoniam ut præclare scriptum est à Platone, non nobis solum nati sumus, sed ortus nostri partem patriæ, partem parentes (quæ duo verba insitiva censet Car. Langius, Oblerv. ad Cicer.) vindicant, partem amici; atq; ut placet Stoicis, quæ in terris gignuntur, ad usum hominum omnia creari, homines autem hominum


M

caussa



*causasse generatos, ut ipsi inter se alii aliis prodesse possent:  
In hoc naturam debemus ducem sequi, & communes utilita-  
tes in medium asferre, mutatione officiorum, dando, accipi-  
endo, tum artibus, tum opera, tum facultatibus devincire  
hominum inter homines societatem.*

T. Θ. Δ.



## ADDENDA

**A**d pag. 2. *Patriam ex eo nominari, quod pl.]* Conf. p.V.  
Pag. 6. *Roma communis nostra patria]* Vide Juret.  
ad Symmach. Ep. V, XCII.

Pag. 14. *Inclinationem voluntatis in bonum]* Ita πα-  
χυλῶσ cum aliis descripsimus. Accuratus, caritas est di-  
lectio cum honore; dilectio, amor cum ratione; amor,  
affectus persequens bonum; affectus, motus animæ sen-  
tientis appetitivæ, ex objectu boni vel mali. Honorem,  
nescio, an intelligant, quibus *caritas*, nativæ significatio-  
nis contemplatione, est in eo, ut *magni aestimes, quod di-  
ligas.*

Pag. 15. *Paulus ad Rom. XIII.]* Et explicatius I. ad  
Cor. XIII. P. 16



P. 16. *Ut Tranquillus haviolatur*] Ex hoc ipso amore, suffragante actorum fide.

P. 19. *Impatiente certe, & ingrate*) Hujusmodi querelæ, quæ tamen non modo τοῖς ἑξῆς (εὐφροῖς, sed etiam Christianis familiares sunt, cum satius esset consulere, quam accusare, plerunque mihi improbantur. Primum enim, nescio, quomodo nobilitatem hominis, bonitatem Dei elevant: Subinde mansuetudine vacant, & resipiunt animum angustum, aut vitium ætatis: Inique etiam aut improvide rationes subducunt, ut conveniat in auctores dictum Comici, *Tu id, quod boni est, excerptis; dicis, quod mali est*: Ne de fine & fructu adversitatum dicam. Excipio, qui non tam queruntur & exaggerant, quam docent; qui infelicitatem hujus vitæ componunt cum felicitate secururæ; qui talibus argumentis securam superbiam retundunt; aut sceditatem peccati, adeoque causam effectis, demonstrant: Quo pertinent ipsi scriptores. ἐν 9. 101. Qualia opportune forsan monuisset Hornejus, Ethic. I, III.

P. 20. *Quantum amor ex eo cap.*) Cic. in Lælio ita exprimit: *Nec modo in hoc, quod est animal, sed in iis etiam, quæ sunt inanimata, consuetudo valet: Cum locis etiam ipsis montosis delectemur, & silvestribus, in quibus diutius commorati sumus.*

P. 22. *Maxime q. eminentiorum gratia*) Duplex emi-

M 2

nen-



nentia est, originis, ὡς αἰτιᾶν, & gradus. Illa propria est imperantium, ex qua, veluti ex causa, quoad suum bene esse, pendent, qui reguntur: Cui rei convenit *Patrum* appellatio. Ista communis etiam privatorum multis, ita tamen, ut & ipsa eminenter tribuatur imperantibus: Quippe qui ætate, aut certe canitie quadam animi, aliisve cœli muneribus, antecedere alios solent, aut censentur: Unde *Senatores*, & *Principes*. Quare & honor, qui his debetur, quique eminentiam respicit, duplex est.

P. 23. *Jo. Bapt. Egnatius*) Quin & Seneca apud Senecam, in *Octavia* tragœdia, v. CCCCLXIX. Sic ille *patriæ primus Augustus parens*: Inter Cæsares nempe, decreto publico, & usu confirmato. Et speciose auliceque, ut ita loquar, hoc dicitur apud aures Neronis, itidem Cæsaris: Cujus nominis splendor facile obscurabat reip. veteris acta.

P. 28. *In aurei de Offic. commentarii lib. I*) Et copiosius lib. II. Sunt autem hi libri, etiam Joach. Camerario iudice, vere aurei, & cum ob rerum, quæ in his tractantur, pondus, tum sententiarum gravitatem, tum etiam elegantiam & copiam elocutionis, in hoc genere æquabili ac temperato, recte & hujus auctoris aliis, & omnibus aliorum scriptis linguae Latinae præferri possunt. Illud certe habent eximium, quod selectissima argumenta gravissimo iudicio tractata paucissimis comprehendunt. Eoque habendi sunt



sunt pro seminario utilissimarum disputationum moralium & civilium. Nostra certe dissertatio nihil aliud est, quam commentarius quidam in plenissimum de caritate patriæ locum, quem in fine modo exhibuimus. Quod institutum si sequi aliis placeret, facile tam spissi & pragmatici & principibus nonnullis dilectissimi operis exactam haberemus interpretationem.

P. 32. *Eoq; pro leviori malo*) Quod vel ex ordine Decalogi clarescit.

1b. *Aut consternatione ag.*) Tac. A. III, IX. *Pavidis consilia in incerto sunt.*

P. 38. *Pro patriæ statu*) In eam scientiam & scientiæ cujusq; partem incumbendum maxime, unde plurimum utilitatis in patriam efflorescit: Tum ratione partium ejus, ita ut magis sint discenda, quæ ad partes reip. plures, aut majores, aut præstantiores, idq; ἀνέκωσ, pertinent; sicut civilis scientia, quæ totam remp. completitur, anteit forensi, utraq; philologiæ, quæ aliis magis scientiis, quam ipsi reip. servit: tum ratione disciplinæ & modi gubernandi civitatem; quoniam, ut eloquentiæ pro diverso reip. genere eadem forma non est, aliterq; dixit Tullius in Senatu, aliter ad Quirites, aliter ad Cæsarem dominantem; ita nec reliquæ eruditionis; majoremq; operam (e. g.) dederit Livio Venetus, Tacito Galus; nisi quod Livius omne imperii genus expressit: Tum

M 3

respe-



respectu interiorum reip. rationum, veluti quod alia nuntuntur bello, alia commerciis: Tum respectu loci, sicut Germanus prius & impensius perdidicerit statuta patriæ, & sanctiones imperii præsentis, quam diversi; maritimo profuerit exquisitior juris maritimi prudentia, & Consularus aliquis Maris: Tum respectu temporum, quæ vel quæta, vel domi aut foris, turbulenta: Et si quæ sunt huiusmodi, quæ ad studia ordinanda plurimum valent; vere ut dici possit, aliam remp. alias doctrinas postulare. Nisi tale sit ingenium, quod angustiis unius scientiæ coerceri se non patiatur: Heroicæ enim naturæ leges non accipiunt.

Ib. *Plus fere intertrimenti*) Ex mediocriter doctis, magistra experientia, omnes fere in rep. turbæ, ipsumq; illud monstrum ἀνέφαλον, cui nomen Atheismo. De quo dicturus alibi.

Ib. *Omnes ad lucrum unice*) Negabis esse injustum, sapientia frui, & ablegabis me ad Tacitum, A. XI, VII. Ideo & Minervā dicere in fabulis, *Oliwa nobis propter fructum est gratior*. Sed respondet Ulpianus, lib. VIII. de omnibus tribunalibus: *Quadam tamen si in boneste accipiuntur, in boneste tamen petuntur*. Ego hoc plus dicam: Sit lucrandus ille panis inter fines, non sit solus finis, aut præcipuus: Quoniam quidem in modis acquirendæ rei cœpit esse, & Alchymix locum occupare, quod animo locu-



locupletando natura destinavit. Vide, quæso, Phædr. fab. XXII. de mustela & homine.

P. 39. *Invidiose demoliamur*) Satis notum (etsi, ut quisq; est deterrimus, ita minimè cogitat, dolet, declinat) quid propter indoctos istos aut barbare doctos Itali, Galli, Batavi de tota natione nostra judicent.

P. 44. *Verbis aut nimis acribus*) Adi Melch. Junium, Quæst. XXIV. part. 1.

P. 46. *Sit amen poëmatis accens.*) Malim historicis adscribere Lucanum, vel propter ea, quæ Petronius disputat, subjecto etiam specimine, utinam adhuc integro, de eodem belli civilis argumento: Plane quasi Lucanum in ordinem voluisset redigere.

P. 49. *Fallere quidem non deb.*) Istud fallere ex animo fallendi æstimatur. Neq; enim (e. g.) fallit, multo minus fallitur, gravissimus vates, quemq; totum ingenium dixeris; cum Elisam, argumenti & *ἑπιδείξω* causa, Æneæ *ὑπεροχὴν* fingit.

P. 51. *Nec sat rationis in armis*) Hannibal ap. Sil. Ital. lib. I. *notum, quid cæde calentibus armis, Quantum ira liceat, motusq; audeat ensis.* Et Lycus in Hercule Furiente, v. CCCCII. *arma non servant modum, Nec temperari facile, nec reprimi potest Stricti ensis ira: Bella delectat cruor.*

P. 52. *Tota dictio in sortem eventus conjicitur*) Sen. Theb.



Theb. v. DCXXVII. *Licet arma longe miles ac late explicet, Fortuna belli semper ancipiti in loco est. Quodcumq; Mars decernit, exequat duos, Licet impares sint, gladius: & spes & metus Sors caca versat. primum incertum petis, Certum scelus.*


P. 53. *Prohemigitur Lacanam?*) Nam errorem paricidio junxit. Et si muliebris animus, fortitudinis, & patriæ amans (sed hic cæcus amor, de quo pag. XXV.) levat crimen. Sæpe miror tam secure philosophantes (nam Val. Maximus, Vellejus, Florus rhetores potius agunt) ut hæc & talia facta laudent ἀπὸ: Qualia feruntur Codri, Deciorum, Curtii, Philænorum, religiosiora certe, quam prudentiora. Nam primi tres, & maxime rex ille ultimus Atheniensium, obliti, qui essent, ex casu in casum remp. dederunt, & semel, quam semper, huic prodesse maluerunt: Curtio, ut patriam orbarer eo, quo plurimum valere videbatur, obscurissimum suffecit responsum: Postremi palmum terræ fidorum civium animæ prætulērunt, & fraudem sanguine suo confirmarunt; primum in alios, tum in se injuri. Omitto, quod non pietas hæc fuit, sed impietas, sed ἀνὴρ κακία; nec consilium Dei, sed strophæ & technæ Satanæ: quam apprehendere ex re ipsa cum debebant, tum poterant, ut aliorum ethnicorum de ἀνδρωποδύχαισ & oraculis judicia probant. Nam, per Deum, quid aliud responderet Pythia,



thia, aut conjecturas, si argento ab hostibus fuissent corrupti, aut quid aliud his optandum erat, quam ab istis factum? *Hoc Ithacus velit, hoc magno mercentur Atrida.* Usq; adeo suapte semper indicio, veluti forex, proditur malignus ille spiritus: Cui tantum in infelices licuisse, miror & miseror. Laudare interim ipsos nequeo, nisi κατὰ ἔμ: Quod quidem fieri, & æquitatis est, & prudentiæ, propter Christianos; quibus, si Deo placet, nemo tale quippiam temere exprobaverit.

P. 60. *Sit dolus malus*) In eo propriam ponimus differentiam mendacii: De quo mox agemus, si Deus annuerit, singulari dissertatione, ad quam lectorem delegamus.

P. 83. *In bonis extrariis enumerat Rhetor*) Quia non simplicis boni causa est. Terentius quoq; Heaut. I, II, XX, inter bona naturalia, quorum & catalogum exhibet, & descriptionem μάλα φιλοσοφικὴν, nominat patriam incolumem,



Menda præcipua. Emendandi ratio.		Menda præcipua. Emendandi ratio.	
In carm. J. J. K. v. 4. <i>juvat.</i>	<i>juvat, juvat.</i>	Pag. 42. lin. 23. <i>circumstantiam. circumstantiam.</i>	
Pag. 7. lin. 16. <i>quo.</i>	<i>que.</i>	53. 10. <i>vidam.</i>	<i>vitam.</i>
11. 20. <i>propagata.</i>	<i>propagata.</i>	67. 19. <i>induc.</i>	<i>induc.</i>
14. 18. <i>caritis.</i>	<i>caritas.</i>	73. 20. <i>λιπερὴν.</i>	<i>λιπερὴν.</i>
16. 1. <i>celeribus.</i>	<i>secleribus.</i>	ib. <i>τρέψας.</i>	<i>τρέψας.</i>
ib. 17. <i>quales.</i>	<i>qualis.</i>	77. 20. <i>puder.</i>	<i>pudori.</i>
18. 17. <i>πρωτῶ.</i>	<i>πρωτῶ.</i>	78. 7. <i>fit.</i>	<i>fit.</i>
26. 8. <i>injuria.</i>	<i>injustitia.</i>	ib. 16. <i>hoc.</i>	<i>nos.</i>
32. 2. <i>pyricum.</i>	<i>pyrium.</i>	79. 11. <i>doctrina.</i>	<i>doctrina.</i>

N

LE-





## LECTORI BENEVOLO.

*Si eruditorum consilium sequi voluisssem, scriptum hoc inter manus mihi natum (quod vel ex ADDENDIS paret) nonnum in annum premere debuisssem. Cum vero ignorem, quantū vite, quantū laborum à fatis & rep. expectandum habeam, cumq; in adversariis aliis reposita sint potiora, quæ lucem itidem suspirant; tantam in eo evigilando consumendam esse curam haud putavi, sperans eo faciliorem erratis veniam fore. Nec indicem quidem addidisssem scheda, nisi vir clarus, mihiq; amicus, negligenti hoc persuasisset: Idem, qui orationis textum in plures divisit  $\omega\epsilon\chi\omicron\pi\acute{\alpha}\sigma$ . Quod reliquum est, cælum supplex adoro, ut ea, quæ de officiis erga patriam tum hoc, tum doctoribus aliorum scriptis, inprimisq; ratione ipsa, tanquā amplissimo probatissimoq; volumine, continentur, ea factis ipsis ita adumbrare & mihi, & omnibus habentibus patriam liceat, ut serius ocys hoc solatium in tumultum deferamus, satis nos patriæ vixisse. Tu vero, lector, quo animo hæc offeruntur, accipe, & vale.*

IN-



(\*)  
INDEX.

*Lit. A. Addenda significat.*

A.			
Abrahamus.	pag. 16	Austro similes potentes.	63
Acarnanum respublica.	70	Αυτόχθονες.	78
Accursius excusatus.	31	Αξίας gradus.	55
Achæorum respublica.	70	B.	
Adulterium tyrannicidæ.	29	Bellantium mores. 50, cum A.	
Æneas.	51	bellare contra patriam, inju-	
Ætolorum respublica.	70	stum. 75, cum declaratione 54,	
Agefilaus.	55	belli pericula. 52, cum A. causæ	
Alcibiades.	17, 75	sint necessariæ. 50, bellum	
Ambitio. 32, 35, in studiis, 39,		civile. 29, 37, 52	
in potentia acquirenda. 71, 73.		Beneficiorum norma. 74	
Ambitus quatenus cōcessus. 68		Blondi Eromena excutitur. 76	
Amici patriæ cedunt. 79, 81		Bodinus defenditur. 58, 64, ap-	
Amor quid sit. 14, cum A.		probatur & improbatur. 75	
Animi officia erga patriam. 37		Bonum verum, imaginarium. 14	
& seq.		honestum, suave, utile. ib. 20	
Αντιπαρθενα erga scriptores quos-		bonum ex malo elicere. 33,	
dam. 64		bonis accensetur patria. 83,	
Antium. 16		cum A.	
Arcanorum fides. 45		Buchnerus notatur. 8	
Αρεταὶ Φυσικαί. 18		C.	
Arminii infamis exitus. 72		Cæsar patriæ pater. 23, parrici-	
Atheismus. 50, A. ad p. 38		da. 29	
Athenæ, patria eloquentiæ. 12		Caligula. 16	
Athenienses notati. 78		Camillus pater patriæ salutatus.	
Auctoritas an prævaleat verita-		23	
ti. 21		Caracalla. 63	
Augustus. 23, 29, 52. unde di-		Caritas quid sit. 13, & seq. & A.	
ctus. 30, & quid augere. 31		adp. 14	
		N 2	Caro-



Carolus V. Gandavi natus.	6	Curtii facinus ex parte repro-	
Cato.	25	batur. A. ad p.	53
Ciampolus confutatur.	46	D.	
Cicero, amans patriæ.	15, 25.	Dardanus.	4
pater patriæ. 23. defensus.	46	Decii accusantur A. ad p.	53
49, explicatus.	56, 57	Defendenda patria, 50, etiam	
Civitas, patria μετὰ πόλιν. 5, do-		in bello injusto, ib. & quomo-	
micii, originis. 7, debetur ei		do,	52, & seq.
caritas. 22, pactū civitatis. 24,		Democratia.	5
75, 83, 84		Demosthenes.	25
Claudianus illustratus.	56	Deus patriæ præferendus, 77	
Codri factum ponderatur. A.		per hominem colitur.	78
ad p.	53	Dii gaudent solo natali.	18
Cœlibatus.	33	Dissonantes musicorum.	33
Cœlum, patria nostra.	4, 5	Domicilii patria.	5
Cogitandum pie de patria.	37	Duella.	37
Cognatio patriæ postferenda.		E.	
79, cognationis jus.	84	Ecclesia, nostra patria.	5
Coloniæ. 11, duplices ib. earum		Educationis locus.	ib.
jura.	ib.	Egnatius explicatur. 23. cum A.	
Colores.	43, 48	Eloquentia, ut Protheus, varias	
Comitalis morbi remedium.	32	formas induit. A. ad p.	38
Conjugum amor cedit amor		Eminentia duplex. A. ad p.	22
patriæ.	81	Εμείκεια.	75
Consiliarii.	23, 24, 52	Eruditorum paucitas. 39. ἀνέ-	
Constantinopolis.	7	πείθεια.	43
Consuetudinis vis, 24, cum A.		Eumenius.	64
Corpus ad patriæ usus condi-		Eustachius explicatur.	81
tum.	40	Excusare flagitia, flagitium est.	
Correptionis fraternæ præce-		53, & damnificum.	59
pta.	63	F.	
Corython.	4	Fabii factum expenditur. 35, 36	
Curia.	59	Fama an potior sit vita.	23
		cum A.	

Fcu.



Feudum unde dictum. 78, fe-  
di domino antefertur patria,  
ib. cum ampliacione. ib. 79, li-  
gium dividitur. ib. doctrina  
feudalis lucem expectat à po-  
litica. ib.

Fictio juris. 9

Filios an liceat patriæ causa ob-  
truncare, 80, viliores sunt pa-  
tria. 81

Finium ordo, 24, finis legitimat  
media. 28

Florus restringitur, 31, panegy-  
ristam agit, A. ad p. 53

Fortitudo non est sine pruden-  
tia. 54

Fratrem proditorem an liceat  
occidere, 80 an cedat patriæ. 81

Fugere aliquando honestum. 53

G.

Generationis finis. 33

Germania, communis patria 13,  
aspera quondam, 20, à Ro-  
manis nunquam subjugata, 41,  
olim nominis sui tenax, 64,  
ejus status hodiernus, 70, de  
Germanis sinistre judicant ex-  
teri. A. ad p. 39

Gloria. 56

Glossa explicatur, 7, explodi-  
tur. 8

Grotius notatur. 25, 58, 64

H.

Hadrianus. 52

Helenus. 16

Hesiodus culpatur. 45

Hierocles, 27

Historia utilior an decetior, 45,  
nulli parcat, cum cautelis. 47,

77

Homerus notatur, 45, explica-  
tur. 50

Honestum triplex, 15, unde æsti-  
metur. 28

Honor imperantibus debetur  
duplex. A. ad p. 22

Honor patriæ causa negligen-  
dus. 56

Honorum nundinatio & grati-  
ficario, 79, ejus auctores te-  
nentur ad præstandum reip.  
& competitoribus repulsis da-  
mnum. 80

Hornejus suppletur. A. ad p. 19

Hospitalis tessera, 11, hospitii  
jura patriæ juribus inferiora,  
81

Hotomannus notatur. 9

Humanitatis jus. 84

Humanum est errare. 21

I.

Imperantibus quomodo con-  
veniat patriæ caritas, 22, eo-  
rum voluntas, populi volun-  
tas. 57

N 3

Impe-



Imperium ἐξουκῶσ, de Germanico. 70

Imperium præsens ferme odimus. 71

Infamia unde æstimetur. 56

Ingenia heroica. A. ad p. 38

Ingratia ccusare patriam, iniquum, 74, ingratus quis sit. ib.

Inimicitia omnis scelus. 35, & seq.

Injuriae unde æstimandæ, 74, principū, earumq: effectus. 76

Invito quando beneficium dandum. 74

Iratu quo modo tractandus. 63

Irrisio æquiparatur damno. 60

Itali notati. 28

Itinera difficilia, ex curiositate. 37

Jucundum. 20

Judicare de patria oportet reverenter, 37, de actis reip. temerarium. 42

J. C. quidam notantur. 18

Jurisprudentia maritima, A. ad p. 38

Jus alterius imminuere illicitum, anceps. 71, 72, 73

Jus majoris partis. 57

Jus publicum qua tractandum cautione, 69, & seq. contravenientium duplex genus. 71

Justi ferme tetrici. 64

Justini dictum quatenus admit- tendum. 80

L.

Lacena factum reprehendi- tur. 53, cum A.

Lætio quotuplex. 60

Lampadius arguitur. 42

Largitiones. 28, cum A.

Latendumne sit sapienti. 66

Laudare patriam illaudatam quatenus liceat. 42

Lectii sententia rejicitur. 62

Legata incerta circa locum quomodo interpretanda. 55

Lex, 24, D. de stat. hon. expli- catur, 8, item l. 1. §. 2. D. ad munic. ibid. & l. 12. D. de LL. 9.

lex Mensia, 6. Julia & Papia, 34, leges matrimoniales, fun- damenta reip. ib. leges patriæ colendæ, & quomodo, 68, & seq. & A. ad p. 38

Libertatis raptores, 72, propria sedes Germania. ib.

Lipsius damniatur. 28, 73

Liternum. 3

Livius explicatur, 80, omnes reip. formas expressit. A. ad p. 38

Locus quid. 19

Loquacitas reip. pestis. 44

Lucanus cum Virgilio compa- ratur. 46. cum A.

Luci



Lucri cupiditas jugulatur.	38. cum A.	Orbis totus patria.	5
Lyciorum respublica.	70	Orcus patria dicitur.	4
M.		Ordo considerandi aliquid duplex.	83
Machiavellus. 35. suppletur.	36	Ostracismus.	16
Majestatis crimen dividitur.	30	Ovidius explicatus.	16, 57
Maria Mabilia.	6	P.	
Marini Itali epigramma consideratur.	61	Pacifici laudantur.	52
Matria.	2	Panis lucrandus.	A. ad p. 38
Matrimonium sterile & secundum.	33	Papiniani factum & dictum expenditur.	
cum improba, aut paupere.	35	58, & seq. parentatio.	62
Media.	28	Parentes cedunt patriæ.	80
Medicis parendum.	37	Parricidii gravitas.	58
Mendacii proprietas.	59, 60	Παρρησία moderata.	44, 63, cum A.
Mercurius Trismegistus examinatur.	33	Pars concedat toti.	83
Metellus, de prole augenda.	34	Pater patriæ.	23
Metus indoles.	32. cum A.	Patria amabile quid, & quare, 15, & seq.	
Moriendum pro patriæ, 53. cum cau-	ibid.	Patria di Friuli.	3
tela.	ibid.	Patriæ caritas virtus quasi catholica.	26
Morientium signum physicum.	17	Patriæ etymologia, 2. paronymia, ib.	
Municipium, & ex jure munic. præci-		homonymia, 3. synonymia, 12. effigies	
pua, quæ huc pertinent.	7. & seq.	apud Romanos, 7. salutatio.	16
Mynfingerus notatus.	23	Patriota.	3
N.		Πατριός.	2
Naturæ instinctus, & præceptum.	18	Patritus, patrius.	3
Naturaliter Gallorum.	5 Nero. 23	Patrum appellatio, de Senatu. A. p. 22	
Nomen patriæ privilegium quoddam.		Peregrinatores nostri notantur.	41
10. in rebus sanctis sit.	64	Perollæ factum plenum affectibus.	80
O.		Pherecydes Lerijs.	78
Obligatio laxior, strictior, 24. huic illa		Philanorum factio laudis opinio detra-	
cedit, 83, perfecta, imperfecta.	ib.	hitur.	A. ad p. 53
Obsequium erga patriam.	65	Philemonis locus diluitur.	42
Officiorum differentia, & regula.	24	Φιλία καὶ ὑπερῆχην.	14
ordo, 82. ejus ratio, ib. & seq. Off.		Philologia nostratibus inculta, 43, fa-	
Ciceronis commendantur. A. ad p. 28		mulatur alijs scientiis.	A. ad p. 38
Oligarchici homines.	73	Φιλόπατρις.	26
Oratione quomodo patriæ serviatur.		Philosophus profitetur veritatem.	49
40. & seq.		Plinius paneg. explicatur.	67
Oratores.	49	Plutarchus exponitur.	12, 53
Orbis medius ubi sit.	13	Pœ.	



Poëtis an fallere licitum. 49, cum A.  
 Politica nondum perculsa, 43, 70, præ-  
 stat Jurisprudentiæ. A. ad p. 38  
 Pontici. 8. Populares. 3  
 Populus, majorve ejus pars, aut hi, quos  
 sibi præfecit, personâ patriæ gerunt, 53  
 Pregati Venetorum. 45  
 Prima naturæ. 18  
 Principi inhonestâ jubenti honeste nō  
 paretur, 58. cum cautela, 63, 64. prin-  
 cipum appellatio. A. ad p. 22  
 Proclus. 55. Preditio. 29  
 Πυλαγωγία. 18  
 Pylæmenes studium forensi civili teme-  
 re præfert. 40

Q. 30  
 Quadrata forma. 30  
 Quintius. 54

R. 65  
 Ratisbona urbis nomina. 65  
 Religioni falsæ contra veram denegan-  
 dum auxilium. 77  
 Res corporales, in corp. 64  
 Roma, cōmunis olim patria, 6, 13. regia  
 urbs, 7, privilegia ejus, & imago. ib.  
 Romulus. 16 Rumores. 56

S. 64  
 Scholarum instauratio. 64  
 Scipionis tumultus judicium subit, 74  
 Nafica. 80  
 Scribendi ratio, 45. circa indecora pa-  
 triæ facta. 46  
 Seldenus notatur. 25  
 Senatorum appellatio. A. ad p. 22  
 Seneca trag. explicatur. A. ad p. 23  
 Servius notatur. 4, 6, 13  
 Silentii culpa, 42. laus. 44

78  
 Sinenses.  
 Societas humana, collective sumta,  
 præferenda civili, 77. duplici causa  
 illi obligamur. ib.  
 Sphinges Ægyptiis quid denotaverit. 6  
 Σοφία.  
 Studiorum ratio. 37, & seq. cum A.  
 Suetonio contradicitur. 9  
 Συμμάχεια in patriam. 37

T. 55  
 Testamēto relinquere patriæ, pulcrū. 55  
 Thucydides asseritur. 46  
 Timoleontis nobile factum. 72  
 Torre di Patria. 4  
 Transfugium. 30  
 Tributa quomodo præstanda. 55  
 Tyranni. 29  
 Tyrtæi carmen Spartanis victoriæ caus-  
 sa est. 84

V. 6  
 Valerius Maximus, Vellejus rhetoris-  
 fant. A. ad p. 53  
 Veritas, finis universalis. 49. ejus fun-  
 damentum. 60  
 Vespasianus. 16  
 Vilanus. 6  
 Virgilius explicatur, 4, 6, 16, 25, 29, 45,  
 46, 52, 84, 85, A. ad p. 49  
 Vita an sit beneficium. 19. cum A.  
 Ulyxes. 15  
 Umbilicus, patriæ symbolum. 13  
 Universitas. 77  
 Vocationi patriæ parendum, 66, &  
 quousq. 67  
 Votorum pro patria formulæ. 37  
 Utilitas privata, 27. publica, 29. ea  
 duplex. 30

F I N I S.



8  
ta,  
ffa  
ib.  
r. 6  
54  
ma.  
9  
37  
ul. 55  
46  
72  
4  
32  
11  
29  
m. 14  
rhetoric.  
ad p. 13  
opus in-  
60  
16  
6  
39-45  
p. 49  
um A.  
15  
13  
77  
66, 82  
67  
37  
29-33  
30



